

茶餘客話

茶餘客話

淮安府志傳云阮葵生字寶誠號唐山學浩子乾隆中以內閣中書入直軍機處歷官刑部郎中河南道監察御史通政司參議終刑部右侍郎生而才識卓越爲文下筆立就直不面與人通而所之退而相忘少侍父京師職國家掌故及官刑部熟精法律屢決大獄通敏無望輒遇大事衆不能決者片言立剖洞悉情僞新例御史不兼部務惟刑部爲刑名總匯熟諳之員許奏聞及葵生改御史仍留部行走嘗有弟殺兄牛兄戕弟命者原擬弟係罪人兄尊長應流葵生判曰弟殺兄牛並非盜賊兄刃弟頸實喪天良竟擬抵浙省內洋漂沒巡船千總據實詳報都司以內洋處分重私改外洋遭風令千總改詳撫臣均擬絞判曰法嚴首惡律重誅心千總據實詳報情輕都司代改招詳情重且非稱與同罪律千總應擬流又有兄被殺父受賄私和弟首告父以賄擬徒判曰爲兄洩憤手足之誼雖全而陷父充徒恩愛所傷實重若如原擬不獨父不能無憾於其子卽揆之爲子之心亦不能一息自安也應改照子首如父首例令子代父充徒則父子兄弟之間兩無愧矣會有購報讎之例宜刪者 旨交廷臣集議葵生下議曰查律載祖父母父母爲人所殺子孫不告官而擅殺行兇人者杖六十其卽時殺死勿論少遲卽以擅殺論細釋律意其登時殺死勿論者蓋子孫目覩悲痛憤激頃刻之間不惟不暇鳴官並不慮及己之擅殺其迫不及待之情實有可愷故得勿論至於少遲較之登時已屬有間然仍系當場目覩悲憤尚在難遏故予以杖六十皆原其倉卒痛憤之情恕其不告擅殺之罪也若逾時事已到官或有司不爲昭雪或勢豪狡脫稽誅或頂兇有人而正犯脫然事外或兇犯既逃而子孫猝然相遇更或遭難被害控告無門是皆祖父身死鬻家之手抵命無人子孫含憤操戈乘隙刺殺所轉者實系應抵之人所復者亦其應抵之罪換之律義亦自相符但查歷來辦案並無此種情節蓋由百餘年來明罰敕法無不申之冤枉無漏網

之兇徒故律文雖載此條未經引用卽如乾隆十四年廣東省會昌縣曾士標打死葉已擬斬其子日
朝宗將士標子曾亞二殺死又乾隆二十七年河南省智順爲趙二殺死已擬絞其子智洪義將趙二之
子趙倉殺死此二案皆藉口爲父報讐而核其案正兇均已擬重辟 國法旣彰私讐卽泯其子卽無讐
可報今所殺非應抵之人則於法無可寬之律擬以謀殺定入情實原爲罪所應得而 皇上於各本年
勾到之時一則念曾朝宗究系痛父之心減爲處絞一則念智洪義父子二命酌予停勾於萬無可道之
中予以一綫可矜之路誠爲法外施仁至本年安徽省郭幅之父國璽被陳佩山毆傷經平服旋因病死
是死於病非死於毆陳佩之罪本不至死而郭幅因父死無抵命之人蓄念十年之久乘隙槍扎陳佩身
死於復讐義絕不相容自應按律定擬伏思律文相沿已久自應照舊載存嗣後各省案犯有與律意相
符者仍照律定擬外若於讞案已定後更藉口報讐之犯但查其原辦之案果否允叶並核其報復之念
有無別情所讐者是否應抵之人所殺者是否應得之罪隨時酌量情節恭候 欽定則情與法自兩得
其平而律與案亦各不相紊矣廷臣面奏如所議行兩次屢從陳河數召見 命和詩數十首復 命覆
校文津閣四庫全書時嘉祥逆犯就禽解集賢夜詢供無少間而校書和詩如常嘗從祀壁馬 諭此後
乘輅勿騎馬蓋異數也京師松筠菴本明楊繼盛故宅改爲祠日久傾圯葵生邀同人修復之立碑紀事
改建淮安會館鄉人以事赴都者皆謁以道義尤懇請託曰非徒無益且得禍故時淮人無奔競之習至
於獎選後進卽若不足立朝孤特無依倚一切聲色玩好皆屏絕下直後青衿布褐如諸生時交游多名
士相與爲詩文會數日一集風流文采爲當時所推

山陽縣志
卷之四

茶餘客話卷一

改

山陽阮葵生著

天聰八年命額爾德尼巴克什等由蒙古文創立滿文結譯漢字暫籍記注我朝政事崇禎六年命宋梅加國書十二字頭圈點分別語氣增外字以備漢字之對音復連二字切成一字于是清文大備大海滿洲正藍旗人九歲通滿漢文事 太祖專司文翰侍內廷凡與明代及蒙古各國往來詞命悉出其手能操漢音傳宣詔旨見國史列傳巴克什漢語文儒也國初大臣以文儒著稱者甚衆大學士希福索尼剛林尤敏贈蒙古吳內格滿洲龍什西翰皆賜巴克什之號漢軍高鴻中鮑承先亦辦事文館

建旗辨色制始統軍尤以相勝爲用八旗分爲兩翼左翼則鑲黃正白鑲白正藍右翼則正黃正紅鑲紅鑲藍其序次皆自北而南向離出治兩黃旗位正北取土勝水兩白旗位正東取金勝木兩紅旗位正西取火勝金兩藍旗位正南取水勝火水木黑色而旗以指揮或夜行則黑色不辨故以藍代之五行之中虛木蓋我 國家創業東方木德先王比統一四海滿漢一家乃令漢兵全用綠旗以備木色 先是天命十年乙卯 太祖初設四旗旗以純色爲別曰黃曰紅曰藍曰白後復鑲之添設四旗參用其色共爲八旗以鑲黃正黃正白爲上三旗餘五旗統以宗室王公按史記天官正義河鼓兩旗左旗九星右旗九星皆天之旗鼓以爲旌表又九旗九旗在王井南則天子兵旗也周禮司常掌九旗之物名蓋在天垂象惟聖時遠益軍徵衆於旗有取

盛京官勝寺藏 太祖所御甲冑數人舉之弗能勝又藏 太宗所貽弓壯士弗能開矢長四尺餘 太宗體軀雖重乘小白行百里乘大白止行五十里今昭陵前省其形立石馬二呼曰小白大白

盛京宮殿規制大門曰大清門東門曰東翔西門曰西翊大殿曰篤恭殿大殿之西爲正殿曰崇政殿殿

後臺上樓曰鳳樓臺下閣曰飛龍閣樓後爲中宮曰清寧宮東曰顯慶宮西曰麟趾宮大東曰衍慶宮
次西曰永福宮

我朝宗室世爵列爲九等和碩親王多羅郡王多羅貝勒固山貝子鎮國公輔國公鎮國將軍輔國將軍
軍奉國將軍 以上將軍初封俱三等後遇加封至二等等 又奉恩將軍 其餘俱爲宗室

親王一子封世子嗣親王餘子封郡王 郡王一子封長子嗣郡王餘子封貝勒 貝勒子封貝子 貝
子子封鎮國公 鎮國公子子封輔國公 輔國公一子授輔國公餘子授鎮國將軍 鎮國將軍子授輔
國將軍 輔國將軍子授奉國將軍 奉國將軍子授奉恩將軍 奉恩將軍子孫世授奉恩將軍 貝
勒貝子庶出子授奉恩將軍

中宮所生女爲固倫公主妃所生女爲和碩公主 親王女爲和碩格格漢文稱郡主側妃生者降二等
爲郡君 郡王女爲多羅格格漢文稱縣主側妃生者降二等爲縣君 貝勒女爲貝勒多羅格格稱郡
君側夫人生者降二等爲鄉君 貝子女爲固山格格稱縣君側夫人生者食五品俸 公女爲格格
入八分公稱鄉君側夫人生者食六品俸未入八分公者以下皆稱宗女不授封 凡諸格格有爲中宮
撫養下嫁者亦稱和碩公主

親王親王世子郡王正室俱稱妃 貝勒以下輔國將軍以上正室俱稱夫人 奉國將軍正室稱淑人
奉恩將軍正室稱恭人

天命年間立八和碩貝勒共議國政各領官屬凡朝會宴饗皆異其禮賜賚必均及是爲八分天聰以後
宗室內有特恩封公及親王餘子授封公者皆不入八分其有功加至貝子準入八分如有故降至公仍
不入八分

創立八旗設十六大臣以理政事天聰五年初設六部每部以貝勒一人領其事設滿承政二員蒙古承政一員漢承政一員叅政八員漢承政卽烏里超哈人員也崇德三年七月增設都察院理藩院是年始定部院各設承政一員叅政二員停王貝勒領部院事

先是天命十一年九月設八大臣經理國務爲八因山額真總理事宜正黃旗納穆泰鑲黃旗額駙達爾漢正紅旗額駙和碩圖鑲紅旗侍衛所爾賽鑲藍旗額駙順三台正藍旗拖博輝鑲白旗車爾格正白旗喀克篤禮 設十六大臣佐理國政審斷獄訟不令出兵駐防正黃旗拜尹圖楞額鑲黃旗伊祿達朱戶正紅旗布爾吉葉克齊鑲紅旗吳善紳和諾爾藍旗舒塞康喀賴正藍旗布祿薩壁輪鑲白旗吳拜薩什喀正白旗孟阿圖阿山 又設十六大臣專備出兵駐防征討之事以時調遣正黃旗巴布泰巴奇蘭鑲黃旗多內揚善正紅旗湯古代察哈喇鑲紅旗哈哈納葉臣鑲藍旗孟坦額孟格正藍旗昂阿喇色勒鑲白旗圖爾格伊爾登正白旗康古禮阿達海

太宗初設文館處文學侍從之臣稱爲文館大學士崇德元年改文館爲內三院 一曰內國史院掌記注起居詔令收載御製文字凡用兵行政事宜編纂史書撰擬郊天告廟祝文及慶賀表文纂修實錄撰擬頒誌文編纂一切機密文移及各官章奏記官員升降冊擬功臣誥命追贈貝勒等冊文凡六部事宜可入史冊者選擇記載外將往來書札俱編入史冊 一曰內秘書院撰擬與外將往來書札筆錄各衙門奏疏詞狀及勅諭各官勅書諭祭文武官員文字 一曰內弘文院註釋歷代行事詩書恩進講 御前侍講皇子教諸王領行制度 按自崇德元年定三院至順治二年此十年中任大學士者爲剛林范文程希福的承先洪承疇祁光格甯完我凡七人

外將蒙古以一百五十丁爲一佐領披甲五十副設驍騎校各一員領備各六員十家各設一長有六佐

領總設索領一員佐領衆多之族設都統一員副都統一員十佐領以下之族設都統一員副都統一員
外藩蒙古王貝勒各照內王貝勒設長史司儀長護衛外親王四五品典儀各一員郡王五六品典儀各
一員多羅貝勒五品典儀一員固山貝子六品典儀一員公六品典儀一員

台吉塔布囊頂帶坐褥照在內官一二等者同一二品三四等者同三四品都統副都統索領佐領驍騎
校等頂帶坐褥比內各卑一級

外藩公主之子親王之子弟爲一品郡主之子郡王貝勒之子弟爲二品縣主都尉縣君之子貝子公之
子弟爲三品台吉塔布囊等子弟爲四品 以上俱於十八歲給爵

一二等台吉許以一子襲職外餘子弟爲四品

外藩四十九族管紮薩克及索倫總管俱照內都統給印一顆索倫總管三品副總管四品

外藩四十九族比內八族至蒙古諸部喇嘛厄魯特喀爾喀四十九族爲外藩索倫司

民世爵公三等侯三等伯三等 精奇尼哈番正一品 一等侯十四次二等 今改爲子凡三等 阿思哈

尼哈番正二品 一等侯十次二等 九次三等八大 今改爲男凡三等 阿達哈哈番正三品 一等侯六次二等 五次三等四大 今改爲輕

車都尉凡三等 拜他拉布哈勒番正四品今改爲騎都尉 拖沙拉哈番正五品今改爲雲騎尉 乾

隆三十二年又增立恩騎尉正六品

凡封親王用冊寶郡王用冊印貝勒貝子有冊無印

長白山在船廠東北四百餘里 康熙十四年遼寧呼嘯營羅吳默等五人查長白山形勢五月起程至

吉林島喇地方六月十三日行三日聞有獵聲十七日雲霧散布不識山向因尋獵聲前進得鹿行踪跡

尋跡上山直至長白山下又行半里有白波瀾樹成行香木叢生黃花徧嶺上下雲霧迷蒙不能全見

聖旨度深行禮漸見山勢分明向一小路而上見山漸平坦攝衣而登約百里許俱積雪成冰山上五峯迴繞水池一曲勢如倒瀉正中一峯特立旁如門闕清泉其多左流入噴松禮島喇右流入大納音小納音等江禮畢下山見鹿百餘從山滾下內有七鹿對面應手而得因叩頭搗鹿下山回看雲霧遮蓋一無所見勅錄吳默清字國漢按長白山卽歐爾民商堅阿鄰山海經作不咸山唐書作太白山亦曰徒太山明一統志稱在會甯府南六十里是山高二百餘里縣巨千餘里山上有潭曰闕門周八十里源深流廣鴨綠混同愛淖三江出焉鴨綠江自山南西流入遼東之南海混同江自山北流入北海愛淖江東流入東海三江孕育產珠璣珍貝爲世寶重其山風勁氣寒奇木靈藥應時挺出

本朝發祥于長白山山之東有布庫里山山下有池曰布庫里湖有天女降池畔生吞朱果遂孕生聖子體貌奇異及長母告以故與小朋乘之順流下母遂凌空去嗣至河步其地有三姓爭爲雄長亂靡有定有取水河步者見一異之歸語衆曰吾以水河步見一男子察其貌非常人也天必不虛生此人衆往觀之皆以爲異問之曰我天女所生天男姓愛新覺羅氏名布庫里雍順天生我以定汝之亂衆驚曰此天生聖人也遂交手昇至家三姓定議以女百里妻之奉爲貝勒定居長白山東鄂多理城國號滿洲是爲開基之始數傳至 皇始祖肇祖原皇帝拓地千五百里居赫圖阿拉又三傳至 興祖直皇帝生子六人各築城分居其四子爲我 景祖翼皇帝居祖基赫圖阿喇地生我 顯祖宣皇帝傳位我 太祖高皇帝初征尼堪外蘭克圖倫城癸巳建都興京辛丑以諸國降服人衆編三百人爲一牛錄每一牛錄設一額眞己亥滅哈達丙午滅輝發乙卯削平諸國增設甲喇因山梅勒額眞增饒四族丙辰建號天命元年戊午取撫順城界凡己未破明四路兵二十萬於薩爾濟經零楊錦敗走劉綎戰死取開原鐵嶺二城滅葉赫擒金台石辛酉復定遼陽取遼陽袁應泰自縊壬戌破廣甯乙丑定都瀋陽是爲盛京明初廢廷

朔丙寅 太祖高皇帝賓天 太宗文皇帝即位丁卯天聰元年以七大恨告天征明明人自殺經略袁

崇煥辛未圍大凌城降祖大壽癸酉孔有德耿仲明尚可喜先後來降甲戌行考試丙子 太宗文皇帝

即尊位國號大清改天聰十年爲崇德元年明崇禎九年丁丑入塞破寶坻昌平回師戊寅入薊州殺總督吳

阿衡及在籍輔臣孫承宗又殺督師盧象昇己卯克濟南執明德王回師壬午克錦州殺巡撫邱民仰降

經畧洪承疇于松山入薊州冬又破克州回師癸未師抵江南海州沐陽旋是年八月 太宗文皇帝賓

天 世祖章皇帝即位甲申三月明亡九月定鼎京師

順治元年四月十九日己卯大兵進山海關破走李自成五月己丑師至燕京八月乙亥 上自盛京還

都來燕京九月甲辰 上自正陽門入宮十月乙卯 上以定鼎燕京告祭天地即位

三朝國史功臣 聖祖親定一百一十五人

烏思藏進表皆稱受殊師利大皇帝曼殊是佛妙觀察智更切音與滿洲二字相近故云見 上御製詩注

八旗方位 一北之東爲鑲黃旗居安定門內西至鼓樓大街南至東直門大街東北皆至城根 二北

之西爲正黃旗居德勝門內東至鼓樓大街南至西直門大街西北皆至城根 三東爲正白旗居東直

門內北至東直門大街南至朝陽門大街西至皇城根東至城根 四西爲正紅旗居西直門內北至西

直門大街南至阜城門大街東至皇城根西至城根 五東之南爲鑲白旗居朝陽門內北至朝陽門大

街南至東單牌樓西至皇城根東至城根 六西之南爲鑲紅旗居阜城門內北至阜城門大街南至西

單牌樓東至皇城根西至城根 七南之東爲正藍旗居崇文門內北至東單牌樓西至東長安門東南

皆至城根 八南之西爲鑲藍旗居宣武門內北至西單牌樓東至西長安門西南皆至城根

康熙十九年四月壬戌 上御懋勤殿講官庫勒納講尙野畢 上曰朕觀尙書內古來君臣交相誡勉

如此何憂天下不治嗣後大小臣工毋得貢諛詞當永以爲戒 八月己卯御史拉色奏禁火器 上曰
治天下在政治之得失火器何與夫火器孰有多于吳三桂者因其悖道卽致滅亡則火器不足恃可知
矣 四十五年三月 上曰漢朝災異見卽誅一宰相此舉甚繆宰相佐君宣化之人休戚共之或有凡
事惑異宰相乃其君之過不得獨咎宰相康熙十八年地震魏象樞言有密本因獨留向朕密言此非常
之變軍機處索額圖明珠可以消此災矣朕謂此皆朕身之過與若輩何涉魏象樞不能對 四十八年十
月 上諭金益讓張谷貞在湖廣地方其有裨益彼處苗人須伊等彈壓者趙良棟領兵三萬進征雲南
實數止有一萬挑選武勇三倍其糧是以人人用命至今人猶感頌近來老將銷磨殆盡止存金益讓等
數人耳 平定厄魯特時 上諭諸部落云朕尊爲天子富有四海在京師飲食宴樂無不備具今朕出
征日止一食羊內外無他物櫛風沐雨夜寐風興每至一處朕皆步行及聞噶爾丹確信朕親率前鋒躬
追凡此特欲爲爾諸部落咸得安居耳諸蒙古王奏云 皇上垂念外藩不辭勞苦七旬以內於無水草
處行三千里立奏膚功從來未有邊境永安聖德神功若此無不傾心誠服 五十年諭曰封疆重臣當
察其大節瑣屑小事不可苛求寬則得衆信則民任治天下以寬爲本若吹毛求疵天下人安得全無過
失者嘗見不飲酒之人必欲人不飲不用烟之人必欲人不以此皆不可朕卽不用烟酒若以趙申喬任
性爲之必殺盡天下之用烟酒者恐大小臣工不能一日安矣又 諭官之清廉不在受禮不受禮張鵬
翮居官其清在山東亦受人規例安置田莊張伯行官亦清刻一部書勸費千金此等皆不必究兩淮鹽
差送人禮物朕非不知何必追求總之愚民斷不可欺居官好者人卽知其好不好者人卽知其不好故
曰天視自我民視天聽自我民聽蓋民意卽天意也 四十六年諭叙云醫書有一方又有數方附之
果此方已盡善又何用多方蓋著書者亦不能自信也至服補藥大無益藥性宜於心者不宜於脾宜於

肺者不宜於腎朕嘗論人無服補藥藥補不如食補夫好服補藥者猶人之喜逢迎者也天下豈有喜逢迎而可爲善乎先年滿洲老人皆不取藥朕亦從不服藥 太皇太后 皇太后一生皆不服藥爾等當

以是爲法 四十八年十一月 諭曰明季事蹟有萬歷老內監曾在朕前聞之甚詳正統在沙漠生一

子今有裔孫天啓呼魏忠賢爲老伴楊左受杖老監有目擊者能具言之陳新甲所議本受指於崇禎及

科道彈劾崇禎反畏人言皆新甲賊兵破外羅城由西便門攻阜成門崇禎微行裏城伯家方開門演戲

回登萬壽山欲奔太監王承恩止之曰出恐受辱於賊乃止以身殉國又勝國宮中脂粉銀四十萬兩宮

女至九千人內監至十萬人飲食不能給日有餓死者城西御溝相傳石板下水石板上出尸宮中用

馬口柴長三四尺淨白無點黑兩端刻兩口建極殿後階石高厚數丈采運之費不貲不能入午門太監

索奏此石不肯入午門乃命將石捆打六十卸棍崇禎學騎馬兩人執轡兩人捧轡兩人扶轎甫乘轎墜

乃責馬四十棍如此舉動豈不發噤皆由生于深宮長于阿保不知人情物理遂至于此 辛巳秋大舉

見政治典訓數冊皆紀 仁皇帝聖政文讀武訓炳照千古而厚德深仁淪肌浹髓矣

一代之治無以如茲情是書繼而未成藝生所見又僅數語敬記數則始知天以管云

康熙辛丑元旦 聖祖御極之六十年早朝慶賀群臣同詣 內廷獻壽時相國馬公齊松公柱

齋公永漢王公扶王公頤齡張公國圖大司農田公從典大宗伯貝公和肅蔡公升元大司馬孫公

柱大司寇賴公鄂張公廷鑑總憲蕭公阿順家宰陳公元圖共十四人時華亭年已八十松齋太倉三

相國張遂密田陽城皆七十以上馬相國貝宗伯孫司馬賴司寇蕭總憲陳家宰皆七十蔡宗伯張司寇

年六十八上有壽考之聖人下卽有平格之碩輔白眉耆艾慶拜一堂一時之盛事直萬古所希聞矣

康熙五十二年 聖祖六旬萬壽三月□□日賜宴在京之各省現任致仕漢官員及士庶等年六十五

歲以上者共四千二百四十人越三日又賜宴滿洲蒙古漢軍官員及薩軍兵丁等二千六百五人 上

除諸老人云今日之宴朕違皇子皇孫宗室執爵授飲分頒食品爾等入宴時勿得起立以示朕優待老人至意二十八日又賜宴八旂年老婦人宴于 皇太后暢春園宮門前

聖祖六旬萬壽恩詔賞老民戶部奏銷各省七十以上至百歲外者共一百四十二萬一千六百二十五人賞布絹等價銀八十九萬兩米十六萬五千餘石此專指老民老婦而臣工紳士不入此數壽為五福之先稱七十曰古稀乃一人有慶而壽國壽民其衆若是非厚澤深仁涵煦漸被曷克臻此

康熙二十八年 上諭廷臣云朕聽政以來以三藩及河工漕運為三大事夙夜憂念未嘗偶忘曾書而懸之宮中柱上見新輔本傳

聖祖駕幸闕里由奎文閣升詩禮堂御講鍾大學士明珠王熙等左翼立諸聖齋右翼立 上諭兗州府知府張鵬翻為官清正亦准聽講傳入列巡撫之下講書官孔尚任講大學聖經首節孔尚任講易經繫

詞首節

康熙二十二年
見幸魯盛典

康熙二十七年五月湖廣督標裁兵夏逢龍作亂胡錕乾李廷秀金奇功傅爾學等七八十人開城劫殺巡撫柯永昇出城自縊各官潰散糧道葉映榴都司宣仁皆殉難賊設六鎮八協兩水師分兵各府縣破漢陽黃州常德三府 上聞之料賊必敗不發一禁兵飭江甯京口將軍五等即亦都之子及附近總兵督師逼剿七月十五日為提督徐治都敗走黃岡令汪灝山西人 舉生員某生擒以獻斬之僅五十

八口不出 睿算外噫亦神矣

崇德元年改文館為三院至順治元年俱仍舊制時未設內閣惟兼用漢大學士二年兼用漢學士定為正二

品衙門以翰林官分隸稱曰內翰林國史院內翰林秘書院內翰林弘文院 十五年改三院為殿閣衙

門中相殿保和殿文華殿武英殿文淵閣東閣各設大學士兼尚書銜學士兼禮部侍郎銜別設翰林院

于東長安門外以學士一員掌院事仍兼門部侍郎銜十八年七月復以內閣爲內三院至康熙九年仍改爲內閣分段閣兼辦銜別設翰林院如今制

內閣辦本分爲五堂 一滿本房滿侍讀學士統之專司繕寫清字校正清文 一漢本房漢侍讀學士統之專司繕寫清譯漢漢中書三人繕寫本單 一蒙古堂蒙古侍讀學士統之專司繕譯外藩章奏及總寫領行西番等國請敕 一滿票簽處滿侍讀三人統之 一漢票簽處漢侍讀二人統之專司票本及本內應批入奏之事漢中書二十七人司寫簽撰文記載絲綸外紀諭旨及各領修校理之事部院本章兼清漢文者由各衙門當月官送票簽處擬旨書籤各省本章不兼清文者由通政司送漢本房繕譯滿本房繕寫學士侍讀閱定無訛送漢票簽處擬旨書籤 乾隆十三年 諭向來公事月題本私事月奏本題本用印奏本不用印式沿前明因內閣通政司借以上下其手同一入告何必分別以後著概用題本以示行簡之意

貼黃仍舊制相傳故明崇禎元年輔臣李仁權所增

漢以丞相御史爲三公分任庶政至武帝之世才臣進用丞相權輕其後霍光金日磾受遺輔政以將軍宿衛共領尙書至此權歸臺閣不論何官但錄尙書事者卽爲政府丞相御史奉行不得與議此漢制之變也魏晉以後因之唐書以尙書僕射爲首相其後政歸禁苑中書門下三省號爲執政卽五品以上同二省平章卽爲真相而尙書僕射反居外奉行不得稱宰相故李適之張九齡去相位俱拜爲左右僕射罷政事此唐制之變也

唐因隋制以三省長官尙書令中書令侍中爲真相唐時侍中乃丞相漢之史官轉入禁中品位崇高中葉後不以獨授常以他官兼宰相稱參預朝政參議朝政則參知政之始蓋唐太宗嘗爲尙書令臣下避不敢居是職由是僕射爲尙書省長官與侍中中書令號爲宰相至僕射李靖以疾闕日至中書門下平章事則平章之名

防爲至李勣以詹事同中書門下三品則同三品之名防焉自是以降或稍更定要以二品爲準晚唐頗兼衆職用兵則爲節度使兼備則爲大學士理財則領度支鹽鐵轉運至太清宮諸使皆宰相兼攝以百揆之責分理庶職相體輕矣 宋因唐初制惟同平章事爲眞相皆以三省之貳或他官貴要者充其任又昭文集賢二大學士監修國史以近密示重二三相臣次第居之至神宗元豐間革平章之名爲尚書左右僕射各兼門下中書侍郎行侍中中書令事以通三省之政又別置中書門下侍郎尚書左右丞爲僕射之佐實即叅知政事也徽宗政和中尙蔡京意改左右僕射爲太宰少宰正公相位元豐之制大壞南渡建炎中乃復其舊乾道中直轄左右丞相可謂名實俱正者終宋之世未改其最重者惟平章軍國重事而或兼樞密使御營使制國用使都督諸路軍馬皆因時取名而資實寡效惟以樞密院本兵柄與宰相並稱兩府五代時以中書爲樞密院爲將國之副府兵民判若兩途自眞仁而後皆用儒臣專任其以武勳授者百之一二耳唐制無同中書樞密院者按樞密之名始于唐代宗置樞密使以宦者爲之當時不置司局但有屋三楹貯文書而已後僖昭時楊復恭等欲奪宰相權乃于堂狀後貼黃指抑公事此其始也後梁唐官官之弊開平元年改樞密院爲崇政院始更用士人以備顧問命宰相郭崇韜兼使又置院使一人遂權倖宰相矣後以樞密使爲內輔臣宰相爲外輔臣宰相之權日輕如郭崇韜安重誨皆以佐命功入爲樞密刑賞黜陟無不由之惟後晉主懸其橫恣廢樞密以印付中書及後漢乾祐中除樞密使降麻比于宰相宋因而不改有使有副有知院有同知有參贊其衆官敘進兩府略同執國之政均可以宰輔稱中書樞密之官皆至江左而爲宰相樞密皆唐之官皆至五代而爲樞密

內外相維本屬善制彼時太阿在握大小諸臣率職奉行是以權不至于旁落洎文皇選翰林入直文淵閣後人皆以此爲三百年相權畸重實萌蘖于此不知其職止於分掌文案綜理制誥不過如唐之左右司其人亦不盡由翰林來與宰相二字因風馬牛不相及也至宣宗之世三楊在任既久位日益高始頗相職嗣是或輕或重漸啓相端至嘉靖而實相成矣然使是時竟顯名之曰相慎選才望大臣隆其品秩以正端揆何不可行乃又拘於太祖之禁有其實而獨祈其名於是職非昔日之職官仍昔日之官并居是官之人亦仍昔日資格非是者不得與而翰林捷得之勢成矣是因太祖之不設丞相轉巧爲三百年翰林入相階梯也按相權之萌起於宣宗之世歷英憲孝武四朝其間君能親政則其權尙微君不親政則其權漸熾至嘉靖則大柄全歸政府君若贅旒世廟以張璁言禮進用始舉外臣入閣沿及季世非詞臣不與閣選亦終二百年不改至莊烈始大破成局因用一二外僚翰林諸臣斷斷爭之如水火即黃石齋之阻楊文弱其果出於大公平周延儒溫體仁奸私與國胡不聞翰苑之力阻耶

郎曉鳴司文淵閣諸臣表序云初設中書省韓魏二國公以太師太傅兼左右丞相汪胡繼之不得領三公黨獄起死徙數萬人遂詔罷中書丞相以五府九卿分理庶務時翰林春坊官看詳諸司奏啓署翰林兼平政諸司文章雖殿閣大學士如宋訥吳伯宗止侍左右備顧問不得平章國事如丞相至成祖省公孤而召解縉黃淮胡廣楊榮楊士奇胡儉金幼孜七人直文淵閣內閣之預機務自建文四年始也閣中有文淵閣印印文獨異諸司凡封進詔冊登奏章疏用之不得下諸司其下諸司者以翰林院印諸司上內閣亦稱翰林院翰林院之入內閣自解縉始也已而解出爲交趾參議胡爲祭酒文衡黃淮下詔獄胡文穆早卒楊金三公事長陵永樂二十三年官不過五品獻陵復設公孤西楊士奇始加少保內閣之登三孤也自西楊始也東楊榮以榆木川有大功特置大學士顯身殿體身殿之有大學士自

東楊始也景泰時乃有孤卿入內閣者蓋自王文○始也先朝重宰宰雖內閣元輔歷二三十年不得領吏部尙書內閣之領吏部亦自文○始也內閣未有兼四官者有之亦自文○始也陳循高穀遂至領五官徐有貞以武功伯兼大學士自累掌文淵閣益無謂矣有貞後二十人惟萬安邱濬以孤卿入閣餘皆修撰贊善通奉少卿少詹事侍郎自焦芳至於今非孤卿則六卿惟崔璽以侍郎兼學士以故內閣職事重于中書體統尊于三公府省府之名雖廢而內閣之權益隆先是內閣亦外調宣德中陳山張瑄以干請諸司出山教小內使書瑛爲南京禮部尙書景泰中亦出江淵爲工部尙書不獨解與胡也其入內閣也亦未必盡出翰林也西楊士奇齊府審理也黃文簡○中書舍人也金文靖○及戶科給事中也薛文清○監察御史也李文達○吏部主事也近日升徒永嘉安仁南海黃溪亦中書主事給事中也列聖嚴于防奸廣于求賢故內閣諸臣類多勲職三楊參合歷事四朝文經武緯內設外甯四十餘年號稱平治昭后既崩裕陵○正統親政一時五相才器尋常權歸奄振國社幾搖景泰諸臣因人碌碌強者恣睢弱者陷默或陰主邪謀或曲從密旨儲宮易位官賞紛然天順○英宗復辟誅宸創逐舊閣一空自是輔臣乍進乍退恩數輕微至有囊頭詔獄荷轡隔者南楊○既出復留最專且久造膝陳謨章抗論六卿得人萬幾無幾成化間文憲文毅事關綱常扣關力諫時值倭幸請劍行誅弘治初年大姦距脫海內忻然洛陽端靖實科長沙餘姚文雅諒直泰陵○弘治登接再三虛懷鑒色屬精訪落將大有爲而諸君子志在包荒意存裕登多思少斷坐失其期然十八年間財以足民而富兵以薄伐爲威利以殺死爲恩士以職進爲恥正德○初逆瑾用事盡逐方正大臣芳宇本衣冠之盜廁跡輪扉數年間濁亂天下新都楊廷和守正應繼綽有餘才碩果尙存巨川攸濟雖大樽之議未協宸闈而棟時之功登于鼎鉉今上獨秉乾綱輔臣仰承休德豈非廊巷之遇賢於夢卜都兪之風幾於默贊乎

明之國寺權流違宗社雖宰相無如之何按之唐代正復一轍唐末兩權密使柄事與宰相相表裏號爲中貴則明司禮監之濫觴也金吾衛屬南衙猶明之錦衣衛羽林衛屬北衙猶明之東廠李輔國署察士數十人潛令聽察細事魚朝恩于北軍置獄使令坊市惡少羅告富室則成化崇禎西廠之前車矣張說傳帝始欲授說大學士辭曰學士本無大稱中宗崇暉大臣乃有之臣不敢以爲稱固辭乃免後李泌加集賢殿崇文館學士建官學士加大始中宗時及張說固辭仍以學士知院事至崔圓又加亦引泌讓而止

唐時稱舍人年久者曰閣老非宰相之謂也楊文公詩題有寄第三廳閣老注云王沂公言行錄記楊大年呼沂公爲第四廳閣老又宋胡邦衡除龍圖閣學士周益公賀詩有龍圖便爲黃閣老之句此閣老之變也

明時稱大學士曰閣學無中堂之稱按閣學之名起於宋宣和末陳亨伯爲龍圖閣直學士稱龍學顯謨閣直學士直學士欲效之而難於解徽學顯學乃易閣字然古稱大學士止曰大學明代設閣詞林記又有殿學閣學詹學蕭名明初不立宰相以本學士加官故無印止有文淵閣一印以備封進御之件此外文移皆借用翰林院印故於翰林院堂上設公座視相公幾位則設幾座故稱曰中堂是堂乃翰林院之大堂非內閣之堂也

張柬用 初名孚教嘗言成化以前貽勅之體猶爲近古其本身不過百餘字祖父母父母不過六十字嘗者無費詞受者無愧色後來飾情張百成千以萬乘之尊過書匹夫匹婦之賤大弄政體請加蓋正詔自今貽勅從簡實不許競飾浮詞致褻體制其實抑揚褒貶多爲中書賄囑之地如故也

康熙年間命翰林按官職所掌撰擬告身文字無須臨事猝辦不必專切一人積弊廓清無能行其私習

今毛大可集中數篇卽當日分撰者近日 國家覃恩疊被錫類彌廣凡旣封伯叔兄嫂以及外祖父母
舅氏者悉蒙 恩准而當日並未撰擬此數項文字近日詰勅房不敢另擬卽以父母之文加于伯叔兄
嫂外氏竊有未安 康熙戊子直隸總督趙弘燮爲其外祖郭某請卹封御史王奐曾劾其怙寵非忠二
本非孝語懸而刻 聖祖特允其請許給誥命並許凡外祖之嗣者皆得援例奏請翰林某侍讀撰制詞
有云緣情作則厥施用慰夫蓋臣邇本推恩其義實通于將母當時傳爲佳句蓋因人以撰文事由 特
旨不得爲例中書科所書告身皆佐史之筆著泥金五色者潤筆尤豐明隆慶中司馬王崇古以泥金書
軸爲言官所糾甚無理解唐制皆名手顏公自書生巨川一人而贊公李海同爲之書巨川賴此以傳至
宋時則當制之人兼書字體不拘眞行故當時以得歐蘇手筆者爲環寶

唐時封贈雖宰相止及其父母一代而已若以恩回贈則其祖與異姓皆及之權德輿以檢校尚書恩乞
其祖贈禮部郎中戶部尚書楊於陵請回贈祖吏部郎中是也又如劉繼外祖故瀘州刺史張懿贈工部
尚書制曰有外賢孫爲吾聞師外祖母李氏贈趙國夫人制曰段公威德當流慶于外孫令伯孝心願推
恩于祖母至宋時官至宰輔多爲其女請封號不知其夫作何稱謬亦甚矣賢如歐公亦不免俗不可解
也

宋以前無封贈本生父母者李文靖昉爲宰相上言臣叔父超故任工部郎中集賢殿學士叔母謝氏故
陳留郡君是臣本生父母臣不報罔極之恩爲名教罪人今郊祀覃恩望與追榮太宗嘉子之贈超太子
太師謝氏鄭國太夫人至真宗元年八月辛未詔文武朝官凡父不在無嫡母繼母者許敘封本生父母
惟我 國家近例凡願以本身告身助封者悉准給錫類之恩均四海邁千古矣

漢制以本任兼他職者曰兼

常憲以右將
軍兼典國

以高官攝卑職曰領

劉向以光祿
大夫領校書

唐制又曰攝
如侍中唐時又
攝吏部

有行守試之別大約職事高者曰守職事卑者曰行未正名命者曰試宋制則高一品曰行下一品曰守

下二等曰試元祐以後又置權官

加以侍郎
權官書

朱子論夫妻封號曰婦人封號有夫爲秦國公而妻爲魏國夫人者亦有封兩國者秦檜封兩國范伯達笑之曰一妻而爲兩國夫人是何義理故蔡京皆改隨其夫號如夫封建安郡則妻亦封建安郡夫人夫封秦國則妻亦封秦國夫人侯伯子男皆然如淑人碩人宜入孺人之類亦京所定各隨其夫官帶之後人謂淑人碩人非婦人所宜稱看來稱碩人亦無妨惟淑人則非所宜耳但有一節未善有夫方封某郡伯而妻已先封某國夫人者此則與京所改者相值齟齬不可行蓋其封贈格法如此當初合併格法也與整頓過則無病矣遂使人得以咎之謂其法自相違戾如此是亦京不子細乘勢粗改後人以其出于京也遂不問是非一切反之

內閣票簽舊例凡關兩部者必明票某部某部三部以上始票該部明天啓後閣臣不諳故事悉趨簡便遂有一部亦票該部者其後相沿不改至舊傳通本部本式樣皆依樣蠶茹也甚不足爲典要而該部諸奏一簽尤宜討論記雍正元年有將已經條奏事後行陳奏閣中仍票該部諸奏者

奏奉
所奏奉

旨嚴加

申飭以爲漫不經心者戒大學士苑冠圖罪則票簽一席蓋不易易非胸有百年典制筆故者言不敢許其網職

內閣無夜直之官明初內閣大堂不得舉火夜則懸炬于門掩門而出官廳中始會食堂上舊制輔臣在直辰入申出率爲常樂順壬申後二鼓始散已卯後至四鼓聞至散夜者周宜興職輪一員宿精微科候傳票乃夜直之始而不專候中書精微科屋九間屬內閣在午門外西廡其南接兵科北爲尚寶司

明代大學士帶殿閣銜名俱以次升遷由東閣遷升至中樞亦有超授一階二階者惟文華不經授終明

之量僅二人耳我 朝初不以此分軒輊亦無禁濶之制曾惟桐城張文和公子雍正丁未年十月授太
華殿至戊申年五月改保和殿後此多以初入之銜爲定後不復再更即如今相國廷清先生拜相十年
猶帶東閣而後入者尹高俱文華阿爾俱武英程劉俱文淵文淵初無其地其行走班次不以殿閣爲統
按本朝殿閣皆中和次保和次文華次武英次文淵次東閣近年二楊相公均皆授體仁閣前此未
之有二楊皆不終其位

文淵閣無其地偏質之先雖博雅諸公皆無以答王白寶司馬申劬山光曠皆以爲在大內亦勝度之詞
予意今之內閣大庫彷彿近之當時楊廷和在閣升菴挾父勢壓至閣繕書樓取甚多又典輯劉中書
胡熙主事李繼先奉命查對而繼先卽盜易其宋刻精本觀此情形必非內閣深嚴肅密之地而沈景
謂制度隘陋斷昏暗口謗列炬當時俱屬之典鍾云云則與今日大庫形勢宛然如繪且禁禁殿閣繞
牆非罕周玲瓏惟自史成爲明季藏本之地則石室磚牆穴壁爲牕藉以本意要區防火爲宜今大庫之
穴壁穴牕磚牆暗室較史成尤爲晦悶則爲當日藏書之所正與史成制度相合

陸文裕深玉堂漫筆一則云王文端公直抑菴集中題梁用之詩後謂內閣在東角門內東角門內常人
不能到其外爲文淵閣則翰林諸公之所處也今內閣移曰文淵而不在東角門之內諸學士所處者則
在左順門之南廊而移爲東閣云按文裕所記已非文淵初製然皆在紫禁城之東南角門外與今之內
閣大庫皆相近也

明臣入閣辦事預幾務曰文淵閣又曰東閣 本朝改爲秘書國史宏文三院大學士皆集昭德門之東
兩陽辦事惟新拜之日于內閣一設公案至康熙二十八年始辦事于閣中見幾輔志

內閣北牆下有楮樹一株陳午亭先生愛之公事畢移對案坐其下於香暖茗召中翰數人分札咏詩以

爲常送命馬鴻臚新卷子曰稽總圖午亭先生先題二詩藏省緒名士皆和之爾時相臣風雅開務清閑皆可想見

康熙年間 聖駕巡幸凡駐蹕口內閣一日送本出口外閣二日送本惟釋遞也近制自啓鑾日起皆隨行在內閣以滿票簽侍讀一人滿中書四人隨蹕專司行在交出 諭旨及由京送到本章奏摺及折本

改簽等事漢中書一二人專司漢字應發應折應奏之件俱隨本報寄在京內閣轉發各衙門其緊要速辦之件則由行在當教行在各衙門到京後仍傳在京各衙門照抄

翰林著作之庭中書絲綸所出自古並重明初洪武間分孟辨以編修改中書舍人永樂間黃淮以舍人召入翰林備顧問若庶吉士張孟授中書舍人仍兼翰林供職姚友直以舍人升洗馬庶吉士高穀等七人同授中書舍人景泰元年舍人陳學詩等四人同改編修仍兼內閣辦書明實錄中所載最多蓋當時以爲常典耳自舍人有胥子而任漸輕其後實郎混拜不問出身遂多具員然明之翰林八股之外無文一退之外無筆而流品猥雜唐宋尤甚密工棋博士著四司咸稱待詔於翰林非兩制並重遺意

唐之學士初入院者試以制書批答三篇如白居易試段祐加兵部尚書領澤州制韓偓試武臣受東川節度制是也若舍人則不復試多自學士選授宋制知制誥必召試中書而後除欲觀其敏也其不試者號爲異禮當時以爲榮凡試之日制誥三篇宰相觀其納卷方上馬次日進呈除目方下蓋重之也今政府代習之職即古之知制誥于內閣中書內選撰亦試以擬旨一二釋楷書端速文思敏瞻者用之近日間有不試而用者蓋大臣素知其才不須更試亦有僅供行走者又不必試邇來機務益繁部務亦多併集檔目三數倍于前故開選部郎內有學識或世臣子尤是職故事中書改翰林即離直甲戌莊本濱及

錦春和相國欲留之任事汪文端由教授故事止其留予按雍正十一年五月奉 旨張若霖著在軍機處行走時張方授編修是翰林無禁選之說

內閣大庫藏歷代策備並封貯存案之件漢票卷之內外紀則具載百餘年昭令陳奏事宜九卿翰林部員有終身不得窺見一字者部庫止有本部通行惟閣中則六曹咸備故中書品秩雖卑實可練習政體傳古通今予幸已夏直票卷九月即派入武英殿繕寫諸地球圖說未得久于其地計百餘日中粗細外紀一過夜直之期檢閱尤便每太長蠟三枝竟夕披覽不覺當時十五六日方輪一夜班每代友承直他人亦樂以見委閣近日中輪以夜班爲苦互相推避予則以日滿未得快觀大庫爲憾終與備庫事賈深者方轉輿輻惟探開庫之期隨前輩一觀鑒封緝架隨意抽閱片牘皆典故也

內閣副本每屆年終派漢本堂中書查封送貯皇史宬內辛巳之冬祝官臣前登無庸應斯役予借往觀百數十年之章疏積若崇山而毛西河所稱史凡規制仿古石室金匱者皆得親睹其盛今之史宬即明之南藏舊址惟所稱異種名範則無有矣

內閣翰詹科道吏部二部皆按科分敘前後級終其身不異不以官職年齒爲低昂初袁于忠部禮部繼之後翰林人衆後生居多往往脫略近則內閣不甚如舊予初入內閣見陳星齋曹永持錢謙軒諸先生官皆九列於前輩老中翰致教盡禮公議之日拂座奉卮皆長揖甚恭今則有此調不彈之嘆

明臣韓法劉基王守仁文成李東陽謝遷文正曹鼐初曹鼐天張學敏楊廷和張居正文忠楊士奇徐階

文貞王直周經吳一鵬高儀吳山陳以勤王家屏文端薛瑄文清楊溥吳寬王瓚張邦奇陳敬宗蔣冕王

道何塘李春芳陸樹聲于慎行文定郭以讚文潔王禕舒芬文節劉儼石琚初石琚文文介李時勉商輅

黃孔昭倪岳傅廷樞倫張治張四維文毅嚴智馬京黃淮劉春李遜李毛紀張君毛澄馬汝驥孫承恩程

孔祥附環已相何夢祥潘若水澄其呂調陽郭朴文簡徐善述錢習禮王使何喬新謝鍾吳儀劉忠羅玘

黃正劉瑞超員吉王錫爵文廟王汝王金幼孜魏顧徐溥劉德賈咏嚴訥文靖劉少羅洪升程文德萬士

和孫應繁文恭吳駒耿裕宋駒朱善王整楊濂魯緯溫仁和孫陞丁士美周子義林懷范謙余繼登楊道

寶文恪葉盛邱淨謝一變王鴻儒邵寶龍欽順歐陽德汪俊鄭守益馬白強蔡清殷士儔

御史亦文莊見光文莊鄭賜王英劉定之周洪謨林瀚劉龍李傑呂本文安胡廣劉吉傅瀚許國文穆

宋濂彭時費宏陳于陸文憲曾鼎周忱楊一清桂萼方獻夫唐龍席書高拱文襄苗衷萬安梁儲李時顯

鼎臣文康高汝欒楊榮林堯傑姚銑李廷相徐緒霍輅余有丁文敏李賢文達白誠陸深黃佐王希列文

裕劉珣尹直文和王一雷李本錢溥費榮殷士儔文通呂原楊守陳劉宣儲瑞章林瀚劉景賢郭大綬

羅萬化趙志皋朱瞻文懿張益倪謙趙黎濬斯貴張昇黃珣顧清陳陞陶大臨林廷機文傳林文俊文

修蕭維祺江潮文昭彭華文思夏言文憲石珪張治文隱袁煥文榮徐達武甯郭憲武順李文忠陳繼陳

王謨武靖金朝興顧成高成薛綬陶璜朱永武毅朱能武烈康茂才武義楊璟武信胡大海華高朱麒武

在潘毅柳溥高顯武肅蔣貴毛忠武勇耿再成梁震武壯蔡繼朱崇沐昂楊拱徐亨朱謙陳圭李晏劉文

王効柳瑞周尙文武襄陸炳武惠和勇孫麗安國武敏趙德勝武恒王貴陳友周玉沐琮吳繼舒武信廖

永安朱勇武憲王律

勅文廟李時勉忠文常遇春劉榮張王

輔孫輝李如松忠烈吳雲許遠楊最忠節為瑞楊爵忠介朱復蔡義韓文忠定張德勝王簡周長張武曹

隆陳懷卿李方政山雲武興王驥忠毅朱榮夏原吉忠靖沐晟忠毅黃福劉大夏忠宣顧瑄王翱于謙

忠肅其忠肅胡濙忠安王佐忠簡吳時來忠恪孫世忠善陳季林椿鼎春股面黃中黃漢英陳廷金忠郭

寶儀銘方瑛忠義袁容忠穆張繼忠剛曹良臣王真李遠郭亮薛貴黃傑吳瑾宗禮趙傑吳郭都張紘忠

壯張源楊善忠教宋瑛忠順李賢忠憲朱英忠愍程實忠威張玉忠顯張觀劉安朱希孝忠傳康鍾孫興
 祖程國勝徐增壽劉球張世忠李彬李梅李來汪一中王治道楊繼盛忠愍陳文孝勇王恕劉玉端毅鄭
 曉朱震劉采林雲同毛愷端簡馬文升梁才願作葛守禮趙錦端肅楊時喬端潔饒何維柏端恪胡世
 甯秦金端敏商大節端愍徐鍾頤約貞襄林俊貞肅樊登孫需孫繼清肅耿九疇劉麟吳廷舉清惠孫繼
 魯清愍陳治周憲丁碧季光啓節愍軒輅吳徽介肅李桂毅勇劉玉毅教王文馬炳然毅愍余子俊王廷
 相辛目修肅敏于謙忠愍肅愍鄧顯王聚章綸恭毅年富潘恩恭定王廷恭節陶汝鄭世威陳有年恭
 介趙輔周用張潤林鶚曾鈞熊汝黃光昇嚴清肅肅朱英尹曼戴珊屠楷魏校歐陽鍾韓邦奇王鈞耿定
 向李傳王機恭簡姚廣孝王忠蔣用文張際賈鈺李敏張懋朱希周蔣瑤洪道王瓊朱希忠陳其學恭靖
 王用汲恭實盧淵恭順孫忠恭肅陳瓊馬昂王瓊劉丙張瓊江東趙炳然許論石茂華楊炯恭毅李貞恭
 獻楊信民范鍾章拯恭惠李讓廖莊白圭李燧李全馬森恭敏張景明朱輔許紳沐朝輔恭傳周壽恭
 和張瀚恭懿陳源鍾同陳選恭愍蕭彥定肅陳德定襄毛勝王玆莊毅張赫張悅常四三王復朱儀秦民
 悅肅補聞淵鄭文盛李浩喬宇王學夔陸光祖楊成莊簡張樞胡公妻志德莊肅仇成沐崐劉天和俞謙
 莊襄周道張榮胡拱辰莊莊蔣廷圭陳文徐簡趙瑣宋璟陳瓊莊靖曹義李璫莊武徐問莊裕陳豫
 岸恭楊鼎林聰許詒陶諧宋蕪恭教韓邦問譚祐新甯伯焦棟張水明舒化莊傳寇深莊愍馬傑楊守謙
 恪愍李彬剛毅張欽嘉善伯剛勇張敷華周廷黃珂方良永屠僑潘濟方純陳瓊邱樞孫植衷
 貞吉簡肅陳壽倫襄湯和於顯馮斌襄武吳良襄烈吳慎李英譚廣焦禮程信項忠韓雍秦紘許進王邦
 瑞潘鑑彭輝楊博王崇古襄毅顧時梁瑤郭應聘襄靖屠濬鄭守愚洪鍾張岳吳文華襄惠王志王軾高
 友璣襄簡顧溥襄恪陳亨郭義馬倫楊泰刑部贈戶部正王水和鄧榮李秉重方黃鎮李賓鄧廷瓚王越

張珩周金唐澤王以旋翁萬達李遂譚紹鄒洛襄敏張信襄傳胡忠憲襄懋柳升丁鈺方寬馮楨曾鈺張
經襄沈清襄榮蔣琬毅毅陳壽李世達敏沈沐紹敏靖彭紹惠安沐春惠襄張聰襄蔣郭宗皋康介
于道康懿楊守隨李鉞文奎胡韶康簡孫忠都幹簡康靖陳俊徐貫林廷樞康懿胡富周李鳳李承
勳楊志學宋禮徐文璧康惠王鎮康穆白昂趙康敏李光嗣康和陸瑜屠勳邵銳周倫蔡震王承裕
斌李環康傳方壽祥劉泰庚順任禮傳武慶紀傳靖王鎮陳餘吳克勤周季麟湯世隆傳敏吳守義紀廣
蔣信元名位順沈榮傳懋貢洪愈安節王宗彝安簡常重五安穆蕭綬張偉靖襄常六六靖蔣馬榮壯武
源淵壯節何德壯毅吳成馬聚梁成吳克忠衛穎壯勇高文壯靖趙勝壯敏馮恩岳懋壯懋周武張軌勇
襄孫殿威武劉聚威勇吳復王聰楊信威毅郭英手銳威襄施聚威靖薛顯桓襄王宣桓義沐英昭靖邱
廣景成郭子興宣武劉備懋節陳清崇武梅殷榮定烈馬亮榮毅吳中韓傳金源年孫
繼宗袁宗皋鼎賢榮襄崔元榮恭恪端明鄧景和榮簡再保羅秉忠榮壯陳政周能翁潭方銳王源顧仕
隆夏儒陳景行榮靖李玉周或蔣輪孫交孫果陳萬言顧可學錢承宗安昌伯襄靖人徐光祚顧寶榮傳
銖張審邵克榮和沐斌朱鳳榮康陳垣榮懋非源榮懋朱溶榮應邵永隱懷李珍傳傳右見顧部
顧應繁所輯臣職考文武幾七百人按是編纂于萬歷三十七年故追隨諸臣及後來者皆未載也七
百人中文臣共四百五十餘人應繁之言曰隨典予嘗掌于祠曹洪永兩朝五十餘年僅數十人而文臣
惟王文節胡文穆朱忠定長史嘉靖四十五年中至一百八十一人萬歷三十七年以前至六
十餘人

司馬遷公實言體之美者極于文正後竟得之外此惟王沂公范希文皆體文正終宋世三人而已若李
司空王太尉且皆體文貞後以犯仁宗嫌名遂呼文正非本也 本朝體文正者睢州湯公楹諸城

劉公純大興朱公唯唯州保乾隆年補遺

劉知幾曰史書衆局峻宇深附九重地處禁中人同方外可以獲拙可以藏愚或終年卒歲竟無刪述而人莫之知也或輒不自揆輕弄筆端而人莫之見也繡衣直指所莫能繩強項申威所不能及斯因案殞之窟宅戶祿之淵藪也見陸文裕集

茶餘客話卷二

舉士

山陽阮葵生著

翰林故事初入館於前監投刺書侍生而口稱學生七科以前則書晚生未及七科而官至庶子以上亦書晚生洗諡以下則否竊怪庶子與洗諡皆謂同爲五品不應分別等差若此嘗問翰林諸公皆不能言其故但云俗稱庶不見庶而已心竊疑之今年歸里質之家大人云於故籍亦無可徵但明有羣坊學士之官而員不恒備多以庶子兼之蓋其始止於學士稱晚生而其後亦用於兼官之庶子沿襲至今遂並用於不兼學士之庶子矣

翰林前監稱後監曰館丈必四科以前之前輩或有師生之誼者則可否則無是稱近見翰林一經散館授職與新庶常作札輒曰館丈醜甚

魏文帝黃初五年立太學初詣學者爲門人滿歲試通一經補弟子滿二歲試通二經補文學掌故不通經者聽須後試故後試者稱先試而得第者爲先輩唐時舉人呼已第者爲先輩其自謂則曰前進士又紹聖間王聖塗瀾水燕談云蘇軾許漢相禹珪之子建隆四年進士第一人登第初還鄉里太守置宴以壓之樂作伶人致語曰昔年隨侍嘗爲宰相叩君今日登科又是狀元先輩又司馬溫公勸學歌云一朝雲路果然登姓名亞等呼先輩詳味溫公之言則登雲路者方呼先輩如今黃甲並呼狀元一般先輩猶言前名也唐人詩集中稱先輩幾半葛常之丹陽集云小說載優人扮李義山服藍縷衣或曰先輩之衣何在王直方詩話云蕭貫常夢至宮中賦詩有一人曰先輩異日必貴春渚紀聞載劉仲甫開脫不疑先輩名品高著人傳今秋來試南省王元之贈狀元先輩孫僅詩自注云予清化辛卯歲附君詩云明年再就幾陪試應被入呼小狀元其後末句云還有一條遺恨處不教英俊在門又送第三人朱嚴先輩從

事和州詩榜眼科名釋褐初若以四家所載觀之則以先輩爲稱呼決非前輩之比又韋莊浣花集有癸丑年下第獻新先發詩墨客揮犀言今人於榜下釋褐曰楊增有一新先輩少年爲世家所慕欲以女妻之彭應來有賀新先輩二十八人及第詩結句云回頭應念差池者重待鵬和振羽毛若以爲長上先生則安得加一新字又安得曰少年耶據言載牛僧孺應舉時韓愈皇甫湜見之於青龍寺稱牛爲卽先輩卽表聖錫咸平集與胡旦書云秀才卽先輩乃卽日可爲先輩也其義甚明當時有稱道士爲先輩尤可笑也

文中子謂魏徵曰杜曰先輩雖聰明特進非輩存程仇之比是附時已有是稱

兩漢之世登對賢良崇尚經術親臨講肄數幸書林如張輔侍講御殿劉寬侍講華光皆上意偶咨非故事晉宋以後談莊老山水經籍閑度矣開元始設經筵任以專官儒者盛興經術之效可睹宋制春二月始至端午秋八月始至長至每雙日入侍邇英文學侍從更番輪直建炎中命近臣四人充講讀之官凡治政之暇就宮苑遊憩之地隨時取旨入對元豐以後兩省諸端以上咸得兼之宗卿秘少著作佐郎及御史丞中書令並得直講賈昌朝以善說得名藝彥國以史院兼銜胡銍以宮觀留侍程子謂講官以范滂夫爲第一能得對君之體尹和靖每起宣召從容論議有儒者氣象宋代之制極盛已金置益政院於內廷日以二人輪侍所講大都尚書通鑑貞觀政要耳元置端本堂爲說書之地明之制以翰林學士掌詞翰文章凡經筵日講之事皆承受而統領焉侍講侍讀之官則專講經史爲職業吏令翰林分班入直陳說古今孝弟忠信及民間田里稼穡之事我朝右文崇學順治十二年設講官八員又置起居注館於太和門凡郊祀壇廟及御門聽政之朔令滿漢講官各二人侍班紀事紀言悉以實經筵之日上御文華殿經筵講官進經解講畢候玉音宣御輪按經筵講官以尙書侍郎內閣學士掌院學士詹事少詹祭酒及左都御史等官之由翰林出身者列名以原官充補其日講官十二員則自掌院

學士及詹事以下凡現任之坊局編檢以上皆得充是職

隆王戊以前翰林稱前輩曰老先生乙丑以後間有傳前輩者近則內閣都察院吏部一部無不稱前輩設仍舊稱無不怪而叱之晉王凝稱司空表聖爲先輩東坡稱李方叔爲先輩所謂先輩實乃後輩也康熙己未鴻博之徵一時人才搜羅殆盡國家定鼎數十年德意培養文教昌明如寶山初開琳瑯盡獻於歎盛矣按是科如張武承李天生錢越江李公凱施愚山皆學行純篤不愧儒者湯降州理學經濟一代名臣朱竹垞吳志伊毛西河汪鉅翁沈深經史彭漢門李石簪喬石林陳其年張毅文徐稼書皆博雅之士卽尤西堂邱季貞秦對岩黃恩庵汪角次徐菊莊以詞客著名亦足鼓吹休明有光珥筆方邵村嚴錫漁續事稱絕其未錄而賞給職銜如國潛邱尤博物君子冠絕一時者矣是科讀卷爲杜寶坻馮廷樞葉崑山李高陽四人搜羅暨後可謂得人而當時無名子造謠云自古文章稱李杜於今李杜亦希奇葉公嶮巇馮龍馮馮結龍龍被虎欺宿捕傳抄正玉賦或謂前一夕有知之者失粘出韻省耕詩若教修史應羞死勝國君臣也繼而又右選前生李周吳陳之說皆輕而不學遺落未選者所爲尤可怪者鄭寒村集中二刻云博學鴻儒本是名賢聲詞客莫替此周休得尤疑省門第須須怨父兄補遺何因也動心紛紛求薦竟如林總然博得虛名色袖裏應持念四金又自注云鴻儒一名價須廿四兩此亦譏斯人之求登薦者居然刻之詩集殊爲不學蓋一時廷賞庸輩及閭閻子弟之驚名者亦不無濫舉云

前己未三月初一日試鴻博於體仁閣用矮桌列墀下作文賜以列高桌五十席每席四椅太宰二員掌院二員南北向坐謂之主席先一日內閣大臣擬題高陽擬齊璣玉衡賦賦得雨中春樹爲人家寶坻擬王者以天下爲一家論省耕詩益都擬十三經異同考耕籍詩項去浮閑學擬士先器識後文藝論賦得春殿時簾赤羽詩李客齋開學擬陶嶠碑贊遠人向化歌葉子吉羣院擬圭璋特達賦三江九江考試得

龍池柳色雨中深先一日外間有規知試題者嗣命高陽寶坻徐都察葉子吉掌院閱卷定爲四等御閱後於上卷中斥去一卷復於三等中取駁繩孫卷補之嚴爲詞賦之雄人品亦高一時咸服 睿裁精確其斥去一卷未知何人相傳爲王嗣槐嚴試日因病目止成省耕詩一章 上以其素有文名拔之蓋四布衣之一也

聖祖閱卷最復論諸臣云詩賦韻亦學問要事何以不檢因特潘來卷冬韻出官字李來泰卷東韻出濃字施國章卷支韻出斯字諸臣勉支對其實 睿裁精嚴無微不燭矣

先是丙辰丁巳開京師有四布衣之稱 上海向內廷大臣言之乃富平李天生慈溪姜西溟無錫嚴秋

水秀水朱竹垞己未三人皆得當惟西溟亦在京師而不與 是科共舉一百八十餘人到京能者百二十人以是不至者九人故者四人餘皆未出 徐林鴻也

詞臣纂輯 御書特就館局從事惟康熙二十八年司寇徐東海請假准以校門諸書帶歸編次四十二年陳文簡公任詹事乞歸令以歷代賦彙補至其家校對增益乾隆十三年傳諭少宗伯齊次風令將承修禮記前漢書考證屬章後交原領臣郵遞進呈近則梁相公蘇林沈宗伯歸愚奉命在籍重修四湖志皆爲 特典 舊例編輯諸書告成刊刻既竣皆得奏請頒賜其先經在事諸臣雖遇事故並列銜載詞林典故

甲子冬修翰林院落成 車駕臨幸送西林桐城兩掌院入院是日設虛榻出東長安門掌院以下統服進 駕詣先師祠行禮至後堂登 寶座掌院率翰林階下行禮樂部陳中和紹樂如大朝儀樂止諸臣各一叩首就坐丹陛大樂作 上進茶侍衛授筆臣茶尚膳進御宴設筆臣宴畢餞以齋蔬授進爵大

臣等進 上謂大臣一叩首 羣臣皆叩 奉儀以金卮酌酒賜大臣 承應上陳十八學士登瀛洲昆明池昭
春選詩故事 上召大臣至 御座前賜酒 咸開飲 退侍衛分授羣臣酒 樂止 上至養房更衣 須臾
熟出 回宮大小臣於院門外跪送 方議初設 上勅兩翰林曰 時當小陽和煦 如春天心交洽 朕與諸臣
交慶之命 以張說東臺圖府五律字各分一字賦詩 又命 羣臣合賦 柏梁體一篇 上首倡 詩以依次
分韻 俾凡翰林及收官登秩者皆與 共百六十有五人 當承上時 上指羣臣 洲事願兩翰林曰 卿
等無愧房杜 願朕弗違唐太宗耳 二臣惶恐 遵席奏 陛下上 終辭過 唐太宗 羣臣等謝 劣幸 昌
時 姚出房杜下 上又指昆明故事 諭諸臣曰 翰林以文章爲職 兼以文見道 爾等當明此意 羣臣悚
然 敬聽 宴畢各賜 御集名 蔡文綺等 約時果等有差 御製七言長律四章 宣示命和 金相王鈞集條
理之大成 星錄日華冠也 符而首出 臣謹 風之春 劉繼卷附而矢音 揚獎 華應贊立就 儲路琬琰
傳之無窮 洵一代之昌期 千秋之盛典 矣

明永樂初 翰林在禁內供奉 無公署 正統七年 于玉河橋以元之故 建隆寺爲之 明末建隆寺爲翰林中書何
王恕 嘗澤長語 宋時兩制皆文學名 天下者 始應其選 雖一甲三人 亦出知外任 然後召試 欲其知民事
也 其餘應試半皆一時有盛名者 所謂制科是也 故文學之士 不至遺棄 又通知民間利病 以其曾試於
外也 今翰林侍從亦兩制之類 用高科一甲三人 終不外任 庶吉士每科或選或不選 立法之意 本欲
使之種學 綴文 以爲異日公卿之 上既預此選 口可坐致 清要 不復苦心于學 又不通知民事 天下以
文學名者 不復得預選 才頗多數 不若制科之爲得也 按兩制者 始于宋時 以翰林學士帶知制誥 題
之內制 以他職帶知制誥 謂之外制

明陳初任翰林學士 保孔曰 馬昇授爲檢討 仍兼辦文案事 宜此辦事 翰林之濫觴也 而文毅極論之以
茶餘客話 卷二

爲非體雍正間掌院學士選近科編檢有吏才者充是選掌院先往拜後任事履任之日廳員再持兩掌院名刺至門敦請然後出厥後乃有紙不紅之嘆矣

教習學士到館舊例行工部給公坐桌椅錫硯筆架銅表硯掛牌冬夏門簾公會桌椅鋪火盆等項每月給列第二枝香燭二份戶部給心紅一兩康熙四十五年停止

庶吉士到館舊例行工部修理房屋器具器用每員每月工部給純毫水筆五枝香燭一份每日戶部給呈文紙二張食米三合五勺工部給木炭二勛酒三勛肉一勛鹽五錢康熙十四年裁呈文紙一張木炭一勛第二枝酒停給十七年肉鹽俱停給四十二年撤庶吉士讀書著出稅差人員酌量助遊一旨
議准兩淮兩浙長蘆廣東河東福建等處鹽差銀各八十兩浙鹽差銀各八十兩揚州鹽差銀各八十兩
湖口淮安等處稅差銀各七十兩北新鳳陽關海太平橋龍江關等處稅差銀各五十兩揚州關天津
粵海浙海臨清關等處稅差銀各四十兩山海關江海南新等處稅差銀各三十兩共計銀一千四百十
兩將此項銀兩交與該部每年照數於出之官員名下徵收撥充衙門分給庶吉士其中若有患病丁憂
給假回籍者將其應得之分俸交回該部其見給銀兩俱於上年出缺官員名下徵收庶吉士讀書三年
御試授職之後俸其給發四十六年筆硯木炭俱停給

沈荅子名南疑平湖人作恭京春詠五十首云曉直歸來數八軀但逢三五去朝天東望舊有承恩事大
例關支月俸錢暖閣新鋪小炕床乳茶紅映玉璫光日長院裏無宣喚絳得清靜又幾行春風燕巢閑錦
初日斜宮樹散流鶯初來漫點黃柑樹馬上新茶已入京舊燕席常之在館者三五人直即今之坐班也
舊事府衙門於順治元年設仍舊址是年旋裁併入內三院九年復設十五年裁康熙十四年復設
開初會試以百名爲半間有增損多者如洪武十八年永樂三年俱四百七十二名永樂十三年三百五

十名少者洪武二十四年三十一名三十年五十二名成化以後俱以三百名爲率而嘉靖後亦有數科廣至四百名者俱臨時酌定

場屋字號用千字文宋時亦有字號字多不經見者嘉祐中溫公覆考應制舉人於直言敢諫科試策內有區毡兩號詞理高絕毡字號乃蘇子山卷中毡字皆字書所未有

宋禮部以納試卷因國學至天下所解進士諸科赴省試者約六千人當時推爲極盛

近日士子入試書填履歷及初入仕籍者寫脚色俱注明並無假冒違碍等情宋人書脚色崇觀間云不係元祐黨類約與問云不係童蒙蔡王親屬慶元間云不是僞學方與餘除

鄭端簡云國初開科務取博古通今之士乃其所試僅有判語及一二時務策生徒竟不識律所云時務盡報拾帖括以故士多通今之學其於政體得失人材優劣且不論只歷朝紀年及后姓陵名如者亦鮮

明景泰癸未二月禮部貢院火舉子焚死者百有十六人斃人樓起者與焉正德三年戊辰正月焚感守文二月試事畢貢院火起二十七日又火至公堂焚其半小錄版俱燬

嘉靖二十三年甲辰禮部尚書張潮訓士台試至於試院

唐試士式塗幾字乙幾字乙皆主與社同文字遺落從旁添之也爾正平文不加點點塗也加乙也又東方朔傳云止飲乙其處如讀書世其止處也今科場令士子自注添注塗改其幾字過百二十字者貼出於錄寫改文字之弊乃除

唐天寶十載九月上試製才拘器舉人通場下第見冊府元龜

萬歷丙辰會試大學士吳道南禮部尚書劉楚先充考官以沈同和等三百五十名同和吳江人家饒阿堵鄉舉已招物議會試榜放居然首選下第舉子憤憤不平泥汚榜名聚衆聲闐及因題卷首藝坊刻也

科臣察其懷挾本房檢舉上命禮部擬試題出賢君必恭儉禮下同和問是書乎是經乎是論乎日暮曳白發刑部訊問杖而徒之其卷乃同榜第六名進士趙鳴陽傳遞並削其名是科會錄無元吳人謠曰丙辰會錄斷云經六已未殿試賜一甲進士莊際昌等及第出身時際昌卷有別字又洗補未淨科臣楊澹曰以狀元而有別字必三百人皆不識字乃可以狀元而洗補必三百人皆曳白乃可一時以爲名言噫宋集英驛唱執政林摠當傳姓名不識卿卿字以寡學被黜近世士人以經義致身誤書誤讀不知凡幾富獨際昌哉天啓甲子鄉試周勳題環以意調山東江西湖廣福建四省考官於外奪其三級并舉人艾南英等停科魏琚目不識丁知試卷作何語皆逢迎其意者暗爲指點也繼是而遂爲點將錄東林朋黨錄東林同志錄矣點將錄乃吏部尙書陝人王紹徽所輯忠賢乾兒也當時稱爲王總爺都人撰百子圖傳奇刺之

中州集第八卷載據第者廷試時務策自高有隣發之此殿試試策之始開寶殿試進士內出未明求表賦設爵待士詩仍不異禮部考試之法義門

考試官員用表裏請始於明洪武十六年賜宴於禮部始於永樂七年

本朝殿試重書法而以策文入選者亦多名作如馬世俊蔣超韓英繆彤諸策皆一時紙貴鄭寒村與仇道杜詩云晉文請學時忌君家匡時置覆盆注云道杜殿試卷直冒閱者不取

前明主會試三次者王元美推爲盛事我朝熊孝慈相公五主會試范文端李高陽陳澤州朱高安張文和史文靖皆三主會試劉文正介受祀宗伯凡四爲總裁

我朝科目有歷代所未及者二崑山徐氏三兄弟皆大魁一也彭訪濂與其孫芝庭南宮廷試俱第一二也至三元則百餘年來纔見錢殿撰舉一人故榜後御製詩云國朝經百載春榜得三元又云王曾

如可繼違弼我心存蓋以沂公望之也先是康熙壬子傳幕廬以南卷附第二癸未王樓村鄉試已定百解改置第六乾隆辛未吳頤雲會試亦定元復以策湧引改第二十始有數存其間耶明麓觀亦三試皆第一死建亥之難成祖命創其籍今人止知商略矣

康熙戊辰科仁和錢紹菱少習清書殿試對策用清漢合璧體書置二甲末雍正庚戌貢士宋長城對策有請廢科目之議置三甲末傳其選用進乃元人所謂過橋拆橋者耶

康熙壬午張睿以副都御史典試陝西雍正丙午周有堂以中書典試浙江乙酉陸耳山以中書典試浙江中書主大省鄉試此外無多見也

辛卯江南正考官左必蕃由舉人起家副之者為趙晉榜後奉旨勸問江南士子有趙子龍一身是膽左邱明兩眼無珠之語

江南康熙癸卯鄉試一榜出兩鼎甲五尚書三天學士典試者為編修王鼎工科給事中王曰高近則己卯一科得人最盛十年中已出二殿元秦大成山東巡召試授中書者又三人

己酉浙江鄉試主考為任香谷王次山兩先生得人最盛然名重當時者二人俱中副車胡稚威天游齊次風召南也

會試同考房運亦有盛衰給事中劉顯績大興人明季癸未本房得成克鞏大學士姚文然刑部郎中魏大賞大學士順治丁亥再為同考本房得王熙大學士李之芳大學士程芳朝一甲二名蔣超一甲三名才琬川東又陳午亭

相國官庶常時辛丑為同考本房馬士俊一名孫無一甲一名董錫二名又康熙庚辰科仁和翁嵩年本房得張廷玉大學士馬廷儀刑部郎中又乾隆乙丑科錢湘人琦本房得蔣元益會元錢維城一名戊辰科李然山

金巖本房得梁國治一名汪廷瑛一名丁丑饒雲南學曙本房館選分部即用知縣二年老者以教職即茶餘客話

用無一歸班者是科處紹弓文昭王仲涵洛本房所中俱歸班

科名有無命定之矣即中式名次之上下亦莫不有數戊辰會試鄂虛亭閱江南卷中定三十本又另備十卷暗置四榻枕下以防意外更易及進 呈前十卷內江南一卷後場犯諱撤去急命小胥取床頭十卷來十卷因亦自別高下而小胥抱卷急趨逾限而小倉皇其信手拾取以進鄂公即取最上一卷置第十名及進呈 御覽繕置第一即今禮部鄭前鄉子也

世祖時引見新進士楊廷銀多鬚年已及暮特與館選次日復召見瀋臺楊將鬚微剃去 上見大不悅有國家取士以才不以年之論乾隆四年己未沈歸愚引 見 上呼爲老名士亦與館選國家不以年齒拘成格如此彼以年少自矜燕衣剃面甚至傅粉塗膏以取悅者其不與優伶小史共笑也幾希記宋初有何朝宗者梓鄉人十八登第太祖曰此人未有鬚恐未老成不宜與第且令讀書至太祖太始登第鬚亦何負于人而斬斬刈之耶

東莞尹之達順治丁酉舉人平康熙丁酉年八十秋榜發巡撫延赴鹿鳴宴主試嚴思位贈詩曰六十年前攀桂客天留碩果到今時已從石室傳丹訣復與瓊筵泛玉卮金粟山頭清白吏珊瑚洲畔去來河非渭非見窮經術百歲常爲後輩師康熙乙卯鄉試松江唐進士昌期年八十矣以萬歷乙卯鄉試亦與先後同年之會有客贈以句云鷹揚杖屨追前哲鶴薦科名接後賢九老香山圖畫裏□□□□藥酒邊

乾隆己未趙秋谷與新貴遙認同年沈歸愚詩云後先己未亦同年辛未未會試黃崑圖先生遂新進士至邸寓會同年賦詩飲酒聲下稱盛事至庚辰會試史漢陽相公年八十亦修故事 上賜以詩壬午閩中黃丈莘田在亦重與鹿鳴之宴自制軍楊公廷 璣以下俱作詩贈之華田君鄉許驥齋給諫所取士也上元戴學士 繼 鄉試會試殿試皆第二人自刻印前曰讓入出一頭地

東觀漢記載鄧顯知舉宣宗科名記縣屬祠部員外郎起瑋採訪諸家科目記撰成十三卷始武德元年至大中十年敕付翰林自今收榜後並寫及第姓名及所試詩賦題目進入內仍仰所司逐年編次明三百年鄉會試並沿其制康熙初停止至庚戌會試乃復舊例鄉會試錄仍進呈乙卯鄉試以兵餉不足再停止尋復丁酉後九卿議裁雍正元年癸卯恩科命復刊刻

同年榮以齒爲序不以爵昌黎祭張員外季友文云元和十年月日中書舍人王涯考功郎中知制誥韓愈禮部侍郎崔羣京兆尹許季同考功員外郎庾承宣河中節度推官殿中侍御史邢昺等皆貞元八年之同年也崔列韓後是不以爵叙也

摭言引國史補云進士爲時所尚由此出終身爲文人其都會謂之木場通稱謂之秀才投刺謂之鄉貢得第謂之前進士互相推敬謂之先輩捷謂之同年有司謂之座主京兆府考而升者謂之等第外府不試而貢者謂之拔解將試則保謂之含保辛尼而賦謂之私試造請權要謂之關節激揚聲價謂之還往既捷列名慈恩寺謂之題名大宴曲江謂之曲江會籍而入選謂之春闈不捷而醉飽謂之打盹瞋匿名造謠謂之無名子退而肄業謂之過夏枕業以往謂之夏課枕藏入試謂之書策進士始於大業中盛於正觀位極人臣不由進士終不爲美戴資常八九百人謂之白衣公卿又曰一品白衫其艱難謂之三十老明經五十少進士

康熙乙丑科會試命將前十卷進呈候欽定名次後著爲例今上庚辰科殿試始命前十名於傳臚前一日引見欽定名次

江南鄉試詩六房以六房春秋一房禮一房書四房上江中四十五名詩十五名易十四名書八名春秋二名禮二名下江中六十九名詩二十二名易二十名書十三名春秋四名禮三名又上江五經二名下

江五經三名後五經中式奉裁部議任擇各經中佳卷補之上江副榜九名下江副榜十三名

武會試書無廷對傳臚之例自明末崇禎辛未科始從方逢年之請也是科狀元爲王來聘後以副總兵戰死

明會典洪武初年定四科三途之制曰賢良方正曰聰明正直曰孝弟力田曰通經孝廉爲四科或從耆民或從稅戶人才與科貢之士並用

生員升率性堂許積分五月試經文仲月試論及詔誥表季月試史策及判文理俱優與一分理優文劣與半分歲內積至八分者爲極格與出身不及分者仍坐監肄業先是通四書未通經者居正義崇志廣業堂文理條達者升修道誠心堂經史兼通文理俱優者升率性堂

康熙壬午年召舉人查慎行錢名世監生何焯汪灝入南書房考試特賜焯灝舉人

康熙己卯順天鄉試八月十八日夜明道樓上有小兒啼聲尋之得女嬰甫生監臨令送交育嬰堂

順治三年丙戌會試中式四百名內山東九十九人殿撰傅以漸聊城人也先是乙酉鄉試及京兆試山東共中式九十五人而丙戌聯捷進士者四十九人 四年丁亥會試中式三百名內江南一百二十四人殿試一甲三名皆江南是科會元李人龍二甲傅麟于明寶皆不與館選後至大學士者凡五人呂武進宮黃文傳機李文襄之芳王文靖鳳瀾文毅溥馮丙戌中式至丁亥始殿試

乾隆庚午浙江鄉試八月十三夜燧屋中間轟喧之聲如江潮驟至舉子俱奔赴號門叫號不止監試官不能禁而外間殊寂然無聲也次年辛未三月十五日大雪士子忍凍不禁而雷電交作又無異盛夏時皆一時之異

康熙辛丑會試揭曉之日風驟大作板木毀垣 聖祖降諭旨謂是榜或有真才恥抑或中式者將有大

奸惡出其中俱未可知云云見 御製文集

老學菴筆記云國初舉人對策皆先寫策題不過一二十句其後策題漸多而官題如初舉人甚以為苦
慶歷初賈文元公為中丞始奏罷之此試卷不書策問之始

宋寶祐四年之登科錄首簡載五月初八日試策題一道次列敕差詳定官三人編排官二人初考官
三人添差初考官四人覆考官四人初考檢點試卷官一人覆考檢點試卷官一人為王次對讀備封巡
捕官五月十四日皇帝御集英殿唱名賜進士文天祥以下及第出身同出身共六百一人當日起期集
所六月初一日賜期集錢小錄錢七日謝闕十三日請先聖先師廿九日賜聞喜宴賜御詩七月一日再
給題名小錄錢四日拜黃甲錢同年於禮部貢院二十五日立題名碑此宋制也進士惟首名署第一名
餘俱署第二人第三人第一甲二十一人第一名文天祥字宋瑞小名雲孫小字從龍年二十治賦一舉
本貫吉州廬陵縣父為戶時有以遠祖為戶者有以祖父為戶者自為戶者而宋戶口例也第二甲四十人第一名謝枋得字君直小名鍾
小字君和年三十治賦兼易一舉本貫信州直溪縣居弋陽儒林里父為戶第二甲第二十七人陸秀夫
字君實年十九治賦一舉本貫淮安鹽城縣長建里父為戶一二甲得此三人亦奇矣第三甲鄭必復以
下七十九人第四甲楊奇遇以下二百四十八人第五甲俞用國以下二百一十三人末簡載文公對策

一道 右節錄吳
實屋記

明嘉靖己未狀元丁士美殿試策存邱丈附謹家子曾借觀與近日策式亦小異

華文敏思白父名漢儒少年諸生早故萬歷己丑思白夢與父同榜中式自謂不吉揭曉中第二名董誥
卷名漢儒亦同榜進士

宗室子弟于康熙三十八年己卯科鄉試一次旋即停止乾隆乙丑年復准與試戊辰會試得薦者二人

良誠平泰俱改庶吉士歷科中式舉人進士例刻登科齒錄列敘祖父名諱官爵是科良平二公以係出天潢難於屬筆請命於掌院祁陽陳文肅公博詢於諸翰林先君子對曰宜書始祖某王下註云諱某係太祖皇帝第幾子似合諸侯不祖天子之義文肅深服焉

康熙壬午十月召試十二人 欽定撥敘第一查慎行第二時揆爲舉士查舉人因張京江相公薦入南書房

歷科館選無定額就一時之人才爲多專順治九年壬辰五十員十八年辛丑五十員康熙三十年以前以三十員爲率其後以五十員內外爲率惟六年丁未僅十二員四十八年己丑至六十四員五十一年壬辰至六十六員雍正五年丁未三十七員而他途用者甚多十一年癸丑七十員爲最盛

雍正元年癸卯館選五十六員乙巳散館授編檢三十六員用六部主事四員中行評博九員州縣二員教職二員

康熙庚辰庶常四十三員散館授編檢十員歸進士原班三十員沈宗騫勵廷儀未散館亦授編修 癸未庶常四十九員散館授編檢十四員仍留教習二十員革退三員

順治六年己丑館選始分清漢賢前此俱習清書
順治九年壬辰始令漢軍隨漢人考進士館選者習清書 是科暨乙未科滿漢分爲二榜

康熙三年甲辰館選十五人皆年少三十外者概不選是科熊一滿勞之辨皆知名
康熙六年丁未罷經義以策論取士

康熙十八年己未滿洲漢軍俱不令考試
康熙四十二年癸未散館三等始降知縣

前一年考試情實編檢諸臣其三等內有授知縣者二人故大興散館亦因之

康熙四十五年丙戌散館漢書三等武職

康熙四十八年己丑散館清漢三等俱革職

康熙五十一年壬辰散館俱留館職不黜 先是己丑館選共六十四人至壬辰告病及他故者共去十四人赴試者僅五十人至是皆留館

康熙五十二年癸巳散館清書三等俱留漢書三等去翰林在教習進士處學習 始派小教習

康熙五十四年乙未散館止革一名餘俱留館 是年會試用房官三十二員

康熙六十年辛丑散館清書三等五名俱授職漢書三等四名俱革職又引 見革去二等三員

雍正元年癸卯散館△記十九人○記十一人皆授職部屬對品用二人外官對品用三人、先是辛丑館選六十二人至是散館僅三十餘人 是年會試仍用房官十八員 癸卯本科殿試後於保和殿朝考命九卿保舉所知內有文有保三十一名點十九人有文無保十九名俱點用有保無文三十九名點十六人文保俱無一百六十七名點四人引 見卽以此分先後不照原甲第是科清書止振五人張廷珩傳陞後卽授檢討與一甲三人同於未引 見前入南書房 館選後又補點卽念祖一人 是科除庶常外另有△尖出記名十七人著問有情願在官學教習者令其自陳 又、單點記名三十人俱以知縣卽用 是科漢軍河南四川進士無館選者 是科中式未殿試者三十人

雍正二年甲辰殿試後在保和殿考四書文一篇詩一首命大將軍年羹堯閱卷又命九卿保舉後止總文錄用不用保舉館選四十人各部主事三十八人知縣十七人 清書派六人 進士用主事知縣目甲辰後始爲例 是科河南山西陝西四川湖南廣東廣西雲南貴州俱無館選之人

雍正五年丁未館選三十七人外以吏部主事卽用五人以六部額外主事用二十二人以知縣卽用四

人以知縣試用二十六人以教職用五人

雍正八年庚戌一甲授職外願成天胡宗緒二人俱即授編修 庶常外用額外主事十八人其餘分頭

等四十二員中等六十二員次等九十八員 願就教職者四十八員 不用者一員宋長城 以廷試對策

也目

雍正十一年癸丑一甲授職外張若鶴授編修任啟運授檢討先是張若鶴已定一甲二名拆卷後大學

士張廷玉懇求降甲繼以泣乃特降 諭旨改二甲一名授編修

乾隆元年丙辰庶常外部用五十二員即用知縣三十一員丁巳庶常外分部二員即用知縣三十六員

助教一員

向例額外主事三年期滿甄別其勤能者以主事選用不及者改助教博士等官乾隆乙丑科分部者五

十餘人及戊辰甄別留者僅十之三餘俱歸原班銓選嗣是以後則不留者少

歷科會元不與館選者李人龍朱錦黃初緒邵晉涵繆祖培侯健融朱文翰

二甲傳臚不與館選者任大椿李長森陳秋水

一甲三人授職散館無不留館者惟辛丑榜眼吳文煥改刑部主事仕至御史乙丑榜眼莊存與再致習

三年

鄉會試之有副榜致之前代名曰拔貢 一作拔貢 順治戊子科 昭天下廉生中副榜者貢至吏部調選其最

者以推官用次知縣次州佐增廣附學中副榜者入成均讀書滿一年送吏部歷事考用如廩生例後不

爲例計順治甲午丁酉庚子三科皆舉行至康熙癸卯丙午己酉遂不許立副榜名色至壬子科大司成

某復請舉行如甲午例

徐文公湖先世業漁生公之曰江湖大上一小舟爲風漂沒徐翁救之得無恙何舟者爲隣省孝廉入都赴試者翁延至家致雞黍之歡次日洗兒請諸廉命名以江湖之異送名曰湖其後孝廉累不第而文故早達至某科以編修分校孝廉得售適出其門

順天鄉試各省文士會考故解元不拘何省明隆慶以前多以南士作解至天啟丁卯科給事中劉文炳真定人請以北人爲解首謂燕趙爲至尊豐饒不當使他省人得時首按方從哲京師人遂定爲制

冒順天貢登兩榜者終明之世不絕嘉靖中陶大順中魁被斥回浙中第四官至副都御史景泰四年羅崇獄中元被斥回江西中二十九名成進士又汪諧曰香河籍中式被斥回浙登進士官至禮部侍郎卒

附尚書

唐時荊州解送舉人不成名曰天荒至劉蛻及第號破天荒蓋楚語也東坡嘗以詩贈瓊州進士姜唐佐云滄海何曾斷地脉白袍今始破天荒宋初江西無狀元紹聖四年何忠肅始第一謝民師詩云萬里一時開曠足百年今始破天荒

狀元宰相古今監解我朝順治丙戌至乾隆己未百年凡得五人順治丙戌傅卿城以漸丁亥呂武進官己亥徐崑山元文乾隆丁巳于金壇教中己未莊番禹有華宋人西塘詩話石揭休詩云皇朝四十三龍首身到黃扉止四人四人者呂蒙正王曾李迪宋庠也有明前百八十年爲科六十人闕者止胡文穆曾文忠公陳方洲劉商文毅韓彭文憲時謝文正公費鵠湖宏顧味齋畢巨八人耳

康熙庚午江南鄉試得人最盛時同考廖騰隆負知名得劉捷卷首薦之時元卷已定主司欲置第二廖不可曰留來科作元遂擢落而是科元即捷兄輝祖也後數年廖以御史典江南試以書屬輝祖授捷爲陪中物色計輝祖星夜馳歸中途病阻書不得達廖入闕徧求捷後不得太息累日及揭曉捷已驟然

舉首矣噫針芥之合夫豈偶然向使輝祖不病授青區區一解元何足以顯文字適合之奇哉此事余聞之周白民先生云

明代重舉主門生之禮萬歷以後竟成門戶壟斷八年張璠爲主考我諸生勿修弟子禮順治十五年戊戌給事胡悉言鄉會試不分經房不稱師生至康熙己未以後禁漸弛後修會典則許其修師生之誼矣大員外任同官照親屬請迴避候旨行

明初主試官不拘現任家居洪武中取元逸老沈夢麟克恭典試事竣不願授官放還

正統丙辰進士陶希文以親老耳病告歸至天順乙卯成化辛卯浙江河南聘典鄉試明紀楊少師以服闋主浙江鄉試王陽明爲刑部主事病痊北上爲山東聘主鄉試至各省典試分遣京員始於萬歷乙酉非舊制也

夏鼎仲五上公車不第曰始我初不第時意中不能無少動已而出都門見計偕被落者車馬行於道習習若蟻然當此時自視亦蟻中之一也夫蟻一有求而不得豈可遂有疾怨悲憤之心哉即有之人亦何從知之天亦何能憐之自此以後失志而愈安處謫而益靜即他人代爲不平而我以爲無庸也

報羅之語見於唐人小說以予所聞每科皆有之而尤異者涇縣縣文公若家計己酉同年也辛未會試中武揭曉後趨往賀之至寓則哭聲號震先一夕死矣計淡齋書名之既正旅館屬綴之時也

壬子順天韓英出戶部主事歲元培之門輩間亦出其門

近來會榜後蒙恩於薦舉中釋文之佳者發明通榜以敷職用在廣文各途中解最得人按明永樂初年令會試下第文字稍優者除數官其下者入監讀書即明通榜之意

徐健庵云兩漢官人始於辟舉遂有故吏解官行服報擬心喪之條而傳道授業者漸輕矣唐重進士知

舉者謂之座主其時之人卽以事舉將者事座主開元禮爲座主齊衰三月是朝廷明明爲之制服終唐之世固若父子莫之敢擯故五代時桑維翰爲宰相謁其座主發司東向警裝不迎不送曰門生也何送迎之有歐陽文忠載其事以爲有禮若范魯公李文正之於王德用王文獻之於和凝以迄有宋之世蘇承旨歐陽公門下士皆竭誠盡力久而弗懈宋有同知舉及詳定官釋褐者並稱門生又如范文正以晏元獻薦入館終身爲弟子明世以鄉試考官會試同考爲重其間黨同比附夥夥糾結門戶之費亦由之起霍文敏陷深族之其主試謂聞爲文以告舉子不許謝恩私第語其峻切文敏剛褊峭急其言亦欲救弊一時猶未以爲允自余論之舉主與座主皆爲國家選擇賢才以備任使其事甚重非爲一己樹恩也而爲所舉者當思所自旣不可以私以害公亦不宜忘本以違義是以趙宣子薦韓厥河曲之役宣子僕以乘車于行韓厥執而戮之宣子曰晉舉厥也忠旣而下宮之難非厥也趙氏不立其能戮宣子之僕者必能復趙氏之卿也明矣東漢第五倫朝會坐鄧宏之下宏以舉將之故踰階不常朝廷爲設雪母屏風隔之禮其教舉將意也唐魏知古爲姚元之所薦位至宰相後分司東都訴譖崇二子明皇薄之終身不用謂其不能報推舉者必不知感朝廷也柳子厚與顧十郎書謂纓冠束衽趨以進者咸曰我知恩當隆赫柄用而鮮附蟻合煦煦起起一旦動異電滅馳逝不爲門下用矣子厚爲顧少連門人身後寓韓鄧君猶自稱門生以未報大德爲恨韓退之嘗佐董晉幕晉第二子溪自罪終長沙因贈溪女壻陸暢云我爲門下士力薄納與蚊受恩不卽報永貢湘中墳墓其於易世而後見其子孫戚屬勤勤思有以自效如此豈與一時趨附便許前知者同日論說大約厚於師友者必不肯背其父古者嘗以此觀人百不失一也國百詩論有明士夫稱習師弟重於父子得罪於父母者有之得罪於座主者未之有也門戶又重於師弟以師之門戶爲門戶者固多不以師之門戶爲門戶者亦不少也富貴又重於門戶有始附正人旣而

與之爲敵者有始非邪說既而窺其黨將敗遂反攻之者皆繫於富貴也

雜記孔子曰管仲遇盜取二人焉以爲公臣管仲死桓公使爲之服季林曰此雖使爲之服亦以舉主而服然孔子以爲有君命則可蓋亦有不盡然之辭也

范希文登第後晏元獻薦入館後雖名位相亞書題門狀猶稱門生張籍寄蘇州白使君登第云登第早年同座主又楊嗣復傳父於陵自洛入朝乃率門生出迎權文公不由科第舉貢舉三年門下所出諸生相繼入相得人稱盛

漢書載尚書郎入直制物盛備至唐詩不變唐書載尚書郎入直供青練白綾被或以錦縹爲之給帷帳茵褥通中枕侍史一人女侍史二人皆選端正妖麗者執香爐香囊隨衣服大官供食物餅餌唐詩春風侍女護朝衣又侍女新添五夜香沈佺期詩大官供宿膳侍史護朝衣韓退之詩應知侍史歸天上故件仙郎宿禁中

宋時翰林支快行家日食錢三千又折酒錢三百別賜冰一擔若寓直支餐錢一千限日下支不准次日見玉堂雜記

宋元豐間凡三省官假日惟接見賓客不許出謁

宋時天下諸路文武職事官總四千一百一十八員大約十九路總數如此其幕職判司簿尉又在此數之外

明正德中御史於巡撫楊晚生侍坐幸卯後會坐尋移晚侍正坐尋解侍教生尋彼此稱侍教生尋彼此侍生矣蓋由南北多警邏權既疎撫臣不必宿宿或與侍御同齋而功罪勸報臺中轉得持其柄故也

雍正五年以部司官在京則僭慢不恭出爲道府則謙抑過度令九卿隨館注 議定部院司官路過堂

官勅馬候過在木衙門辦事堂官高坐司官侍立說堂若事件多司官席地鋪席序坐說堂如在朝房辦事堂官席地坐司官屈一足回話堂官前往來趨走

舊時翰林編檢以上於中堂吏部尚書處投刺稍晚生於五部的舊左都總督侍生侍郎巡撫以下則否以余所見庚午辛未以前猶守此規嗣是則於侍郎巡撫轉侍矣族於尚書總督稍晚矣近日又有於三品京卿解侍者矣先君林居十餘年與當事諸大吏往還一仍故轍亦未有以爲忤者

明萬歷中年後吏部之權積重閣臣轉餽仰因之其可駭者遇升遷用人惟選郎一人主之至太宰火房面決可否其門徑皆選郎自爲啟閉人莫敢窺至議定不獨他郎更不敢問卽兩少宰亦不與聞沿及末季遂有吳昌時之禍

六部中各分爲數部如戶部之金部農部禮部之儀部客部至明洪武二十九年始分爲司明制進士釋褐後分派各衙門觀政其與在部司員相見儀節亦各不同在吏部則執屬員禮兵部則輪前後禮部則從師生之儀六部之弊政皆積重於吏禮二部其餘節亦獨抗惟戶刑工三部爲平交炎涼之態自登門之始已然矣彼時部員一拜副郎馬前卽用鞍轡與正郎科道比惟吏禮二部無之相傳錢曹白以職居華要欲比小京堂用紅鞍轡未遂所請并青者棄之門部亦白以秩宗清望不比他曹亦屏不用此皆有明官常陋習其後惟吏部門部皆認前後輩而他部皆平交相沿至今

查浦一則新翰林至本衙門惟三鼎甲跨進儀門庶吉士跨進頭門轉讀掌坊至儀亭學士登堂轉祭酒則從頭門外下轎翰林至吏部則皆由後門達大堂其餘各官俱於門外下轎不知此制始于何時三月二十八日都人至東岳廟祈禱相傳廟像爲元時昭文館學士費祗劉元所造

雍正元年 諭內閣通行八旗直省督撫曰所員爲外吏者每受本梓都統恭領等官所創自司道以及

州縣於將選之時必勒索重賄方肯出結咨部及得官後口違人往任所或稱平日受恩責令辭職或稱家有婦喪緩急求助或以舊日私事要挾或五放王府不體下情分外勒取或縱本府管事肆行貪求以致該官竭蹶餽送不能潔己奉公虧空貪墨皆由於此嗣後如仍蹈前愆許本官據實封舉密詳督撫轉奏督撫卽據詳密奏倘督撫容隱卽許本官密揭都察院轉爲密奏倘不爲奏聞卽各御史亦得據揭密奏務期通達下情以除積弊外任旆員不得隱忍畏懼亦不治以犯上舉首之罪

宋景濂策問常袞之居相位也選舉不自專一命以上皆付之定法可謂盡公無私矣而賢愚有同滯之議崔貽孫之居相位也未一年除吏八百多其親舊可謂出乎法制之外矣而當時有得人之稱後之宰相如以常爲法則涉于避嫌以崔爲法則近于專權專權致威福下移之謗避嫌失竭誠徇國之義而謂賢相爲之乎

順治元年改定官銜凡舊漢年所定稱承政者改爲尙書稱承政者改爲侍郎理事官改爲郎中副理事官改爲員外郎領者庫改爲主事初設滿漢敢心郎順治十五年俱裁各部舊有漢軍郎中員外郎額缺雍正五年裁

各部院郎中滿洲初係三品順治十六年改五品十八年改四品康熙六年復三品九年定正五品員外郎初爲四品十六年改五品康熙六年復四品九年定從五品主事初爲四品十六年改六品康熙六年復改五品九年定正六品其他滿內閣侍讀宗人府經歷欽天監副給事御史俱初爲三四品康熙改定

考試月選官按順治十二年諭州縣地方分爲三等應選各官吏部當堂考其具言糊名者其書判分三等上等等引見又續准進士舉貢不論甲第考案前後以考試身言判爲序每遇缺出照本行並考

定等第酌量缺數人數多寡均分取選十四年停其考試身書書判亦不分三等一體取選康熙五十七年 諭月官令寫履歷以三百字爲限雍正三年八月官履歷簡要直叙不事繁冗初授之員所得地方難易繁簡預爲籌畫何以治民何以厚俗備科舉子之衝轍歎患訟之方令各出己見陳一二事於履歷後以觀才識其補任陞任者令將舊任地方利弊明白敷陳四年 諭月官考試履歷條陳原欲觀其學識今詢問多不能奏對乃倩人代作者嗣後將代作之人及本人並以違旨例治罪後停止條陳今之月官考選止書履歷一通亦密封進呈沿舊式也

國初置內務府設總管間以大臣總理順治十一年裁置十三衙門曰司禮監兵仗局惜薪司鐘鼓司織染局十二年改尙方司爲尙方院十三年改鐘鼓司爲禮儀監尙寶監爲尙寶司織染局爲經局十七年改內官監爲宣徽院禮儀監爲禮儀院十八年裁十三年衙門仍設內務府所屬有廣儲會計掌儀都虞慎刑營造藥房等司織染局又置武備院上駟院康熙二十三年增設奉宸院慶豐司嗣後間以王公大臣兼督府事

陸容文最言駙馬都尉本秦官漢有奉車都尉主車輿駙馬都尉主騎馬駙馬都尉主羽林騎是爲三都尉今數列侯曰公侯駙馬伯省文耳若施于章奏當云駙馬都尉乃止稱駙馬臣某悞也

唐宋以來中書省爲三省之一今內閣中書舍人尙沿古中書舍人舊名每見今人列銜止云內閣中書古爲省名今爲官稱矣

漢成帝時始置尙書員五人然自霍光以大將軍錄尙書事其權已重漢官儀云初秦代遺吏四人在殿中主發誓故號尙書尙猶主也東漢改稱臺閣三公俱稱虛名尙書之權特重然其秩僅六百石猶屬少

府

東漢之九卿分屬三公所部如太常光祿勳衛尉此三卿爲太尉所部太僕廷尉大鴻臚此三卿爲司徒所部宗正大司農少府此三卿爲司空所部凡九卿皆中二千石 唐之六部亦隸於尚書省左右司各分三部

少府本秦官掌山海池澤之稅以給供養名曰禁錢少者小也蓋大司農以供軍國少府以養天子是天子之私財也後世瓊林大教其祖諸此款少府屬員最多不止太醫令太官令上林苑令也即侍中中常侍諸中官之屬及尚書令僕射尚書侍郎以下皆以文屬焉東漢又以御史臺附少府

官以事置事畢即罷如前漢之行冤獄使者美俗使者河堤使者直指使者皆見各列傳中而百官公卿表不載蓋不在定制內也後漢范滂爲清詔使又杜喬周舉等八使分行天下皆授光祿大夫如後世兼官攝官之類如我 朝有觀風整俗使宣諭化導使及欽差大臣皆有印信關防而事後即撤回無關官額三品以上用欽差大臣關防四品以下用欽差官員關防

俗語目翰林爲藏拙隱其擁腫而緩步也科道爲老弱發聲不祥也又以官貴戚武貴賤比六部吏曰貴戶曰富紳曰貧兵曰武刑曰威工曰賤也又以喜怒哀樂分屬吏部四司亦確老學菴筆記一則云吏戶刑三曹富饒他曹寂寞時人爲之語曰吏則封考三盛兩校戶度金倉和酒肥羊驛祠主膳啖鹽吃麵兵職駕庫較畫押酷刑梯比門人肉餓飽工屯虞水生成餓鬼又六科諺吏科官戶科飯利科紙工科炭兵科皂隸門科看有明工曹最爲冷局惟嘉靖間興大工增郎官十餘人營繕尤盛得陝陝京堂或賜四品服語云馬前雙馬後方雙者棍方者棍督工者用之

明時京師諺云翰林院文章武庫司刀鎗光祿寺煮湯太醫院藥方曾其有名無實沈景倩謂正不止此儒生曳白無如國子監馬匹無下無如太僕寺天文因陋無如欽天監音樂件器無如太常寺格藏空虛

無如太倉庫士卒老弱無如三大營書之惡劣輩之燕穢無如制誥兩房文華武英兩殿京官政事外惟拜客赴席爲日課然皆不得自由一入衙門則前後左右皆紹興人坐堂臬者如傀儡在牽絲之手提東則東提西則西圓有奇察者欲自爲政則故舉疑似難明之案久懸不行之例令其耳目暫亂精神凋敝至取上誦書若鴛子宴會但憑小唱云請題則題詩酒則酒詩湯則湯弋陽腔數折各扶棍即去拜客則出長班指揮除赴朝會謁貴要外遠近遲速以及當求面當到廳當到門惟其所命即使置一個人於輿馬間不過如此有明之弊政情形如繪矣想其開規之初當無此事 宣德間顧佐疏禁官妓精神無以爲娛于是小唱盛行此輩狡猾解人意漸至訓察時情傳布秘語緝事衙門亦藉爲耳目其黠者爲要津獨據斷袖分桃資予仕牒即充功曹突而升爲邦丞而辭所歎矣此輩多庸鄙人後則眞定保定亦承乏而必僑浙人

填野
戲風

雍正元年御史年熙奏山西兩省樂戶另編籍貫世世子孫勒令爲耨神幹地棍呼召卽來衙門間有一二知恥者必不相容查其祖先原是清白之臣因門承樂起兵不從遂將子女編入教坊乞賜創除奉旨此奏甚善交部議行並查各省似此者概令改業嗣此御史竊思奏除紹興惰民蘇州尹繼善奏除常熟昭文丐戶

丙戌會試前 上念舉班久滯命三科以前均行大挑分一二等用淹滯頓疏士林踴躍銓曹亦免壅滯逾年外省大吏請分別量才補缺時爲之語曰九流三教一等用知縣又借補府經歷直隸州州同州判鳳州州同州判縣丞鹽大使藩庫大史爲九流二等以學正教諭州借補訓導爲三教也

正副考官如有事故不能入場者試錄後序用同考官銜名居首之員撰刻祇許撰序不許干預主考之

事

康熙十七年定各省題名錄俱照河南省體式刊刻

共除客話卷之二終

茶餘客話卷三

衣

山陽阮葵生著

乾隆三十一年戶部奏各省地丁鹽課關稅三項共歲入銀四千四百萬七千零

各省鄉先不在此數

歲出銀二千

七百四十二萬五千零

戶部支出不在此數

實餘銀一千六百五十八萬一千零

工部內府等庫不在此數

順治元年鑄錢每文重一錢二年改一錢二分以後屢有改定至十四年定爲一錢二分康熙二十三年

改爲一錢至四十一年改爲一錢四分雍正十二年改爲一錢二分永爲例

戶部寶泉局每年鑄錢七十六萬一千二百八十串工部寶源局每年鑄錢三十八萬六百四十串

雍正十二年錢重一錢二分每串計用工本銀一兩七分乾隆四年核銷每串用工本銀九錢八分三釐

大清會典載本朝順治十八年總計田土合五百四十九萬三千五百七十六頃有奇康熙二十四年總

計田土六百七萬八千四百三十頃有奇雍正二年總計田土六百八十三萬七千九百一十四頃有奇

濱江近海之區定例十年一丈凡民地勘丈築以二百四十步爲一畝後屢有條議

雍正十三年江南一省錢銀一百四十餘萬兩之多自乾隆丙辰至今癸酉十八年中江南共鑄銀二

千四百九十餘萬萬蕩蕩之恩古今未有 御製詩云或云民習馴或云官示惠實非我所知痼癘意

捐上新益下卦爻義昭示蓋廷臣中有以施博難繼爲言者

井田之法原因土曠人希且在中原數千里之內故以爲良法先儒謂井田均田之制行于大亂之後是

爲求治行于既治之後是爲召亂其說確不可易自阡陌既開貧富本不一致地之山陵川澤肥磽水旱

南北之灌漑播植種種不齊屬在承平人安其業日用而不知一旦爲均田限田之法粉紆予奪參差錯

迭百出而不窮此必亂之勢也說者謂當兵燹之餘汙萊遍野版籍蕩然人民死亡赤地千里因而徵田

爲權計口授產一經制而示維新庶乎其可然此亦不過一時之計三五年後戶口日繁人民遷徙必有不能均之勢明初解大紳均田之策何嘗不因明承大亂之後起見不知雖經大亂而人民不盡死亡戶籍不皆灰燼歟故尙有主名非比戶此雖盡失恒產者比且立國已將二紀民間畊田納賦大局粗定一旦更張徒啟爭端非召亂而何至崇禎間李振聲復請限田一品官田十頃屋百間二品官田九頃屋九十間以是爲差逾限者房屋入官變價充餉田地入官□□益淺陋無議矣

董仲舒初議限田後季朝元稹林勳祖其說而皆不能行惟王莽王安石實似道三人力任以爲必可行而皆以擾害生民至于大亂似道首捐己田萬畝爲倡其法益峻其禍益烈噫其效可睹矣願用方尚書君子也巡撫山東時令營兵于河工隙地小試之亦無成效

自乾隆六年辛酉勅部歲登天下民數至今已卯凡十九年已增戶口至三千萬有奇太平日久生齒繁盛伊古所未有也

司倉者不能辟穀筭庫者不能點金減縮蜜而不糲食勢不能也漢宣帝益小吏俸宋仁宗益致仕官俸元世祖增百官俸歷代詔祿之典或豐或儉未若我朝之普而均也京官給雙俸外官俸外有養廉州縣以千計督撫以萬計當此時而不惜錢非廉吏也當此時而猶愛錢眞貪夫矣

唐代宗時回紇以馬萬匹來市有司患其多請市于匹郭子儀恐違其意自請輸一歲俸爲國市之當時馬一匹直四十緡萬匹當用四十萬緡其時將相之富可知矣史載子儀月入俸二萬緡緡爲一千一歲俸卽今二十四萬兩矣子儀自河中入朝代宗命宰相置酒其第一會之費至十萬緡準今銀數卽十萬兩亦太甚矣如是而欲國用無匱難矣唐制正一品月俸米七百石錢九千八百二品米五百石錢八千乃初制也其後日增大唐中權臣月俸至九千貫刺史無大小州皆千貫若汾陽以異姓王祇將相俸入

尤不替世祿之家估侈滅義非所以愛之也

張楊園謂四海之窮皆由于游民之衆且未論其他卽如生員軍伍吏胥三種人俱不可少者然無用冗食十而八九矣

陳幾亭曰天下有窮根凡耗物生費人力而無秋毫之用者皆是在物曰骨董玩器曰雕鏤繡組曰白土曰楮錢在人曰優倡曰清客曰僧尼曰衙役幫身曰不耕不戰之游民冗兵白土俗名光粉條杭產最夥置米中助白色不過市升作偽而耗米中之精華久而益枯食之無味楊澗亭因言幾亭之言特舉其末焉者大而貪官傲弁小而劣師庸醫蠹處有之非徒無用又害之矣

靳紫垣河督上生財疏稱地方一里有田五頃四十畝地方十里方一里者百有田五百四十頃地方千里爲方百里者百有田五百四十萬頃依王制所載山陵林麓川澤溝瀆城郭宮室塗巷三分去一計之凡方千里之地實有田三百六十萬頃其間有棉花蔬果菱荷藥草不係五穀再除四分之一計去地九十萬頃外仍實有田二百七十萬頃什一取民古之常制每一畝合夏麥秋禾計之瘠土可收糧一石什一科之每畝徵糧一斗每頃徵糧十石二百七十萬頃徵糧二千七百萬石內以一分征本色歲可征糧二百七十萬石以九分征折色每石折銀四錢而布帛魚鹽之利不與焉今直隸十四省之地不下方五六千里今姑作三千里科算爲方千里九萬歲額賦亦可有糧二十四百三十萬石有銀八千七百四十八萬兩此臣準古證今乃不易之理必得之數今直省額賦不及三分之一何也蓋有二大弊而世莫之察一曰水利不修也二曰賦輕民惰也三曰生者寡而食者衆也紫垣此疏事屬難行然其胸次亦可謂通知古今而目有天下全局者後之人未能及矣但直省形勢不同山岳江湖幾去一省之半不毛之地沮洳斥鹵礧確之區曠衍無人之所至西北一帶十分幾喪其六七安得計里以定賦乎卽以順天一府

而論其中不耕之地多於已墾者天時晴雨之難料地勢旱潦之不齊人力工拙之非一所以近在咫尺而不能盡墾況四海九州之大且遠乎什分取一之說我 聖初未及百之一也蓋善政邁千古矣紫垣殆未之細思不過據陳橫之臆說徒聳聽耳

歲清五等曰正兌米入京倉待八旗三營兵食之用以乾隆十八年奏銷冊計之山東十有五萬七千九百九十四石河南八萬一千六百二十八石江蘇百有七萬六千三百九十三石安徽三千萬七千十有六石江西三十五萬千五百有三石浙江五十五萬百四十七石湖北九萬四千五百七十四石湖南九萬五千五百三十一石各有奇 曰收兌米入通州倉待王公百官俸廩之用山東六萬九千四百七十三石河南三萬九千九百十有一石江蘇九萬二千四十四石安徽十有一萬八千八百四十五石江西十有五萬一千八百五十石浙江二萬九千三百六十五石各有奇 曰白糧分入京通倉供內府光祿寺以待王公百官各國貢使廩餼之用江蘇六萬九千四百四十七石浙江三萬五千五百五十三石各有奇 曰雜麥入京倉供內府之用河南正兌五千八十六石收兌三千三千三石各有奇 曰黑豆入京倉待八旗官軍及賓客館牧馬之用山東正兌四萬五百有四十石收兌萬六千五百石河南正兌三萬二千六百七十四石收兌萬五千五百八十八石各有奇 凡漕糧收折曰永折米徵銀解部山東河南歲折徵各七萬石江蘇十萬六千四百九十二石安徽七萬五千九百六十一石湖北三萬二千五百二十石湖南五千二百十有二石 每石通耗折銀五錢通入銀 曰收折灰石米徵銀解部特工部灰石之用江蘇歲折徵二萬一千一百十有六石浙江萬三千三百二十三石各有奇 每石通耗折銀一兩六錢八分

凡漕糧經費曰正耗各省正兌米每石二五 二斗五升 後仿此 加耗收兌米一七加耗以備通州五牌運耗貯倉折耗及運軍回船食米之費 曰經費正兌米山東河南每石一六加耗江蘇安徽二六江西浙江湖北

湖南三六改兌米江蘇安徽江西浙江每石二升加耗山東河南改兌米不徵均折銀徵解倉場通濟庫

漕船至通計運道遠近每船給羨餘銀又按到通米數每石給驢夫銀各有差山東河南道日船并

除山東河南及江蘇徐州府屬之銅豐沛蕭湯漕船不給耗餘船正兌米每石一五及五升加耗改兌米

二三及八升加耗各有差以給運軍沿途耗折日席木各省正兌改兌米每二石徵草席一以十分之

一七隨船解通爲倉庾苦蓋之用江西湖北湖南每正兌米二千石徵榜木一松板九以十分之五解通

爲倉庾鋪墊之用餘均折銀徵解通濟庫浙江及江蘇常鎮安甯池太等府太倉州徵板木如之皆折徵

解庫日行糧月糧各省運弁運軍凡出運之年各支行糧二石四斗至三石有差運軍月糧八石九斗

至十有二石有差或折銀徵給或銀米各半各因其地之宜山東蘇松江安徽道所屬半于領運時給

半徵解水次六倉山東則臨清德州江蘇安徽則江南鳳陽淮安徐州沿途發給日贈貼明代漕糧係

軍民交兌民受需索之苦國初爲官收官兌因酌定贈貼官仍支給隨其方俗各省異名山東河南漕

船每運米百石給潤耗銀五兩米五石江安徽道所屬給漕贈如之蘇松糧道所屬米同銀倍浙江給漕

載銀三十四兩有奇江西給貼運銀三兩米三石刷耗米十有三石湖北湖南給貼運米二十石皆隨漕

科徵

凡白糧經段江蘇每石正耗三斗浙江四斗五升以備入倉耗折及運軍沿途折耗之費江蘇每船給束

包人夫工食銀十有四兩每運米百石給漕載銀三千四兩食米七石各有奇又徵耗米二十石浙江給

漕載銀如江蘇食米三十四石有奇運亦有糧運軍行糧月糧與漕糧同皆隨糧科徵

漕船六千九百六十有九每歲出運直穀三十七均協運河南山東九百七十五運軍自備者三百十有

一協運河南二百六十八蘇松糧道所屬五百八十九江安徽道所屬三千八十四協運河南百二十五

協運蘇松千九百九十七內運白糧者百三十六于通省漕船內簡調三年改更江西七百有八浙江千二百十有四專運白糧者六十三湖北百八十湖南百八十二成造漕船以長九丈載米四百石爲度江西湖北湖南加長一丈

京師十有三倉蘇米倉五十七廩南新倉七十六廩舊太倉八十九廩富新倉六十四廩興平倉八十一廩均在朝陽門內海運倉百廩北新倉八十五廩在東直門內太平倉八十六廩在朝陽門外均國初建本裕倉三十廩在德勝門外清河康熙四十五年建萬安倉九十三廩在朝陽門外雍正元年建儲濟倉百有八廩裕豐倉六十三廩在東便門外雍正六年建豐益倉三十廩在德勝門外安河橋雍正七年建大通橋號房四十八間朝陽門號房五十八間舊設大通橋號房六十四間朝陽門號房二十八間雍正五年朝陽門增建十四間又移大通橋河東十六間於朝陽門

通州二倉西倉二百廩在新城中倉百十有九廩在舊城南門內均國初建舊有南倉八十一廩乾隆十八年奏裁

康熙年間部議裁減運軍耗贈銀米一事新紫垣疏稱帶管漕務灼然于斷不可裁之故仍請照給部議謂此項銀米從前原無皆順治六九年等年所添等語不知彼時添給此項原非得已因軍旅運用不敷往往勒索小民兼之盜賣漕糧拖欠日多公私交困是以議加銀米里民求免勒索是以樂於輸將原非勸公裕以給軍也從此軍民兩安國儲不欠已歷多年一日議裁勢必復蹈故轍勒索里民盜賣漕米矣况錢糧原有定額其地方官民因時制宜另爲調濟之項原在正額之外恐涉私派不得不爲題明要之非司農之項也在司農總會計之權止積額微不宜收及額外若將里民自願樂輸求免勒索之項而又裁歸司農則里民既出已費仍連勒索亦司農之所不忍聞也 又稱軍支需用不宜苛設督糧部臣之

弊近來銷算雖不乏從公議允之案然偶值一事或執一己之偏見或聽胥吏之唆使任意吹求苛毆無已錢糧繁瑣頭項率稱非精于核算不得要領司官專司其事除猶鼠同眠者不必言外其實心奉公之員或稍欠精詳便受壓轍至堂上不過聽其大概止批說堂數語安能備知底裏加以從慎重錢糧起見自然悉照司牒由是而部胥之權重不得不行賄以求之此項部費官無神輸之術仍索之于里民而民益困矣國家滋厚欽之名部胥得婪賄之實有司多一分之費里民出數倍之資其害可勝言哉此疏洞悉部胥之弊惟精明強幹之官堂司一心整飭防閑又何弊之不可除哉

文獻通考宋初以來四河所運粟未有定制至太平興國六年汴河歲運江淮米三百萬石菽一百萬石黃河粟五十萬石菽三十萬石惠民河粟四十萬石菽二十萬石廣濟河粟十三萬石凡五百五十二萬石非水旱大額民租未嘗不及其數至道初汴河運米至五百八十萬石自是汴京積粟盈溢大中祥符初至七百萬石天禧末京城所積倉粟一千五百六十萬餘石草一千七百萬五千餘圍 宋時水運自淮南江南荆湖南北路所運粟於揚州楚口四處留倉以受其輸既而分隴舟船汴流而入汴京發運使領之荆湖江淮兩浙以及嶺表金銀香藥犀象口貨估集惟嶺表陸運至廣州而後水運陝西鄆州菽粟自黃河三門沿流由汴河而至亦置發運使領之陳穎許蔡光壽等六州之粟昂山石塘惠民河而至京東十七州之粟昂山廣濟河而至皆有京朝官廷臣督之凡三水皆通漕運而歲計所賴惟汴流也河北衛川東北有御河達乾甯軍其物亦有廷臣主之川陝諸州金帛自劍門列傳置分發自撥以至租布及官所市布山水運送江陵自江陵道綱運送汴京咸平中定歲運六十六萬正分爲十綱天禧末水陸上供金帛綵錢二十三萬一千餘貫兩端正珠寶香藥二十七萬五十餘斤諸州歲造運船至道末三千三百三十七艘天禧末減四百二十一 景德中漕東南粟歲不過四百五十萬石後增至六百萬入

聖中發運使請所部六路計民稅一石量糴粟二斗五升歲可更得二百萬石給京師仁宗曰常賦外增
糴是重擾民不許時江南發賣民食尚書員外郎吳瓘卿以爲言詔歲減五十萬後是三司奏復增至六
百萬然東南災歉歲減歲漕或百萬或數十萬又轉移以給他路者時有焉 慶歷中詔減廣濟河漕一
十萬石後黃河歲漕益減耗糴運穀三十萬石而歲創漕船市材木役牙前勢毀甚廣嘉祐四年詔罷所
運穀減漕船三百口以是歲漕三河而已

方望溪奏請嚴禁燒酒一疏尹博陵嘆爲一代名言孫合河相國力取其議並陳燒酒之益斷不可禁愚
謂事有理所不可行而情不能已法所必當禁而勢不能除者此類是也酒之爲物有益有損自古已然
燒酒則興于近代其始因邊疆士卒藉以禦寒北五省燒造尤甚糜費五穀歷奉明禁本重穀裕食之美
意望溪欲悉行嚴禁民間不得復燒滑滴重本犯之罪名嚴州縣之處分竊恐小民無知好飲者比戶皆
然售買極易逐末之徒趨利忘害甘犯禁網將愈敗官民之私造而滋更胥之爲奸竊糧糴粉而終不能
絕也即使嚴刑峻法連坐鄰隣勢在必行而小民之口飲者不能因此俱行戒止勢必率飲黃酒其爲數
必十數倍于燒酒口費十文者將費百文不止于百姓日用生計大有所損且用黃酒者日增價值益
製造益衆耗費穀米亦十數倍于高粱柿棗其耗五穀也更甚于燒酒然則欲禁燒酒必先禁民飲乃可
行能乎否乎語云興一利必有一害予謂除一害必增數害積重難返之勢惟有因任自然去其太甚
已他如私鹽私參禁之何嘗不嚴而究不能止矧日用常行之酒也耶 望溪同時又有禁酒一疏稍爲
近情然同一不能行噫治國治民之道困難與一二書生習也昔韋處厚陳鹽法云強人之所不能事必
不立禁人之所必犯法必不行望溪殆未之曉耶

開元九年左拾遺劉彤論鹽酒曰漢武爲政廩馬三千萬後宮數萬人外討戎夷內興宮室財無不足者

何也豈非古取山澤而今取資人哉取山澤則公利厚而人歸於農取資人則私利薄而去其業先王之
法山澤有官虞衡有職輕重有衡禁殺有時一則專農二則富饒濟人盛事也夫煮海爲鹽採山鑛鐵伐
木爲室豐餘之故也寒無衣飢無食備貨自資者窮苦之流也若能山海厚利奪豐餘之人薄斂輕徭免
窮苦之子所謂損有餘益不足也此雖言之難聽而未免權衡之氣

茶餘客話卷三終

茶餘客話卷四

祀神

山陽阮葵生著

凡領誥勅前一日設案于堂中另設香案于前誥勅至門本身及祖父子姪具本等品級服色跪迎大門外候過隨入命婦誥勅於門內誥勅至堂中執事者置誥勅於所設案上受誥勅者三跪九叩頭與詣案前跪捧誥勂與入室恭藏於匱次於其祠堂中具香燭果品行一跪三叩頭禮次於其父母前行一跪三叩頭禮凡附典誥勂領受奉迎俱如前儀釋日行焚黃禮前一日本官於其祠堂中設案於中間設香案一於前設神主受贈典之人案祝案於堂東西向至日早捧所贈誥勂置祠堂中所設案上以黃紙依誥勂文錄寫一通同置案上奉神主設於堂西陳設祭物并祝文向神主一跪三叩頭與跪上香三獻酒讀祝畢乃捧所錄黃紙誥勂文宣畢宣勂者立堂東西向本官代受贈典者行謝恩禮望闕三跪九叩頭宣勂者取所錄黃紙并祝文焚訖本官恭捧誥勂藏於匱次奉神主入櫃一跪三叩頭退俱見會典明制頒賜誥命百官皆在午門內金水橋南如服賜名號領色張江陵坐內閣遣典輔代領當時非之見筆塵

順治四年諭范文程剛林祁允格曰文職衙門不可無領袖今爾衙門較前改大爾三人可用珠頂玉帶見本傳亦異數也

順治九年禮部定涼暖帽上圓月有官者用紅片金無官者用紅素綬涼帽裏及沿邊四品以上俱用片金五品以下用紅裏青藍綬倭綬邊無官者帽裏用別色不許用錦裏紅色裏沿邊用青藍素綬雍正二年禮部議定官員帽頂一疏皆准行奉旨總督未加尚書銜者著爲正二品侍郎巡撫俱著爲從二品後屢經改定

雍正七年議準每歲四月欽天監頒發時憲書式令各布政使刊刷鈐印欽天監時憲書印凡現任文武大小官及在籍有職官舉人貢生等各給一本其刊刷紙張動正項錢糧至各省民戶應將舊版貯公所聽匠役備紙刷印赴司鈐印每本定價一分二釐此定制也按頒發之期故明初定二月朔頒明年歷嘉靖十九年改用十月朔

乾隆六年奏準行在恭遇 萬壽聖節羣臣行禮班位王公大臣在網城內三品以下官在網城外

外省官員入覲在都或奉調在京逢 御殿之日各於官兵二部報名一例入班行禮總督加銜督撫者入尚書末巡撫加侍郎銜入侍郎末加副憲銜入副憲末布按二使入小九卿末道府入部郎末將軍都統提督入都統末副都統總兵入副都統末協領副將入參領末乾隆七年奏定

乾隆二年議準凡官員入 朝及在公署不許戴兩邊涼帽凡官員及肅軍等不許著大衫入紫禁城

康熙初年御史李秀奏請百官佩刀上殿奏事以肅朝儀後御史李棠奏罷之

御史劉子章奏外官不許帶家口赴任下部議旨撫准五十人藩臬四十人道府三十人州縣二十人女口不在此數違者降級近日州縣長隨多者數百人矣非所以教廉也

康熙三十三年刑科魏象樞奏屬員謁上臺不許穿朝服頂帽部議凡朝賀祭祀及到任許著朝服其餘皆不許所云祭祀指與祭郊壇非私祀也康熙五十一年准吏科潘錦奏外官到任拜牌開印封印丁祭入壇着朝服其送迎上臺止穿補褂雍正八年奉 旨蟒袍乃華縠之衣組織非易衣著之日太多非愛惜物力之道嗣後元旦萬壽節仍穿七日上元節仍穿三日又微員奉有不必蟒袍但穿補褂 亦可之

恩旨

乾隆六年御史奏學政不准帶家口至任所恐滋弊竇七年奉 旨仍准其攜帶 聖明之鑒深矣學政

之弊豈在家口哉

明會典禮部題百官衣服自十月初四日至次年三月初三日穿紵絲自三月初四日至四月初三日穿

羅自四月初四日至九月初三日穿紗自九月初四日至十月初三日穿羅

于錫爵請戴暖耳疏云連日雪後風寒百官尚未蒙恩傳戴暖耳在聖主身居綏閣不知外寒微臣歷事

先朝頗諳舊典祖宗二百年來歲傳暖耳示體恤于等威之外乃故事中之特恩所以百官傳衣不謝而

傳暖耳獨闕此燂肉醴酒之類物微而禮重也

禮部志稿載每歲正旦節自初一日為始文武百官放假五日冬至本日為始放假三日永樂七年令元

宵節自十一日為始賜百官節假十日

查浦輯即云康熙初年三品以上乘輿呵殿雙藤拂扇丙戌罷引藤丁亥並撤拂扇惟皆燈籠題銜至壬

辰冬仍歸乘輿藤扇皆如故

祭分三等 國丘 冬至方澤 夏至祈穀 季春龍見 太廟 社稷 仲春秋 皆為大祀 日 春分月 秋分前代

帝王 春秋 先師孔子 仲春秋 先農 季春 先蠶 季夏 天神他祇太歲皆為中祀 先賢等廟 仲春秋 賢良昭

忠等祠皆為壇祀 太廟 孟春 孟春以上句夏秋冬以孟 太歲 孟春以上句 孟吉

齋戒大祀三日中祀二日

南北郊 上于大內齋宮二日壇內齋宮一日

太廟社稷 上于大內致齋 朝日夕月饗帝王先師先農皆于大內致齋

諸祀皆實明行事惟朝日以卯時夕月以酉時

齋戒不理刑名不燕會不聽音樂不入內殿不問疾疢不飲酒不食葱韭蒜不祭神不祈禱不掃墓

有疾有服有灸艾體氣瘡毒未愈皆弗與

祝版祀天純青紙朱書祭地黃紙黃絲墨書雲太廟祭社稷白紙黃絲墨書朝日純朱紙朱書夕月白紙黃絲墨書太歲以下均白紙黃絲墨書歌神倉神饗神賢良各祠均白紙墨書

帛七等曰郊祀制帛曰奉先制帛曰禮神制帛曰展親制帛曰報功制帛曰告祀制帛俱織成滿漢字又有白色素帛牲四等曰特牛曰太牢牛一羊一豕一曰少牢羊一豕一牛色尚騂或騂大祀入灌九旬中祀三旬

小祀一旬設饗牲所官先廟太常今改內務府祭肉國初用熟獻順治間用生獻

祭品登一實以太羹煮肉沙不用鹽醬 釀二實以和羹鹽醬用汁簋十二實以形鹽醢魚菜棗棗菱茨

鹿脯白餅白餅 墨餅 粉餅 餅餌 米粉粉羹即糯米糕 豆十二實以韭菹以菹切去本末用中四寸菁菹芹菹醢醢猪

用酢用鹽酒料物調和鹿醢兔醢魚醢醢析用牛百兩細切豚拍用猪肩飽食用羊豕肉細切

簋二 簋二實以黍稷稻粱其用簋十者無饌即粉羹豆十者無饌食醢食

太廟每月薦新之品正月鯉魚鴨蛋韭菜二月鯽魚生菜小葱芹菜赤梗菜三月玉瓜柳蒿菜水蘿葡菜

苦菜同蒿菜四月笋雞櫻桃茄子五月笋鵝香瓜杏李桑椹桃厥菜六月西瓜蘋果鮮葡萄杜梨七月野

雞雞蓮子藕菱角梨榛仁八月野鴨山藥栗子九月雁柿子十月松仁軟棗榛菇木耳十一月銀魚鹿肉

十二月兔鱖鯉魚芽菜菔芽 其苑 大麥文官果等照所得之時即供內務府掌儀司主之

雍正元年歲除前一日 上親詣 太廟行大給禮陳遣官奉後殿中殿 列聖列后神牌安奉于前

殿寶座正中 肇祖原皇帝居左 原皇后居右東左一位 興祖直皇帝次 直皇后西右一位 景

祖翼皇帝次 翼皇后東左二位 顯祖宣皇帝次 宣皇后西右二位 太祖高皇帝次 孝慈高皇

后均南向東次 太宗文皇帝 孝端文皇后 孝莊文皇后東位西向西次 世祖章皇帝 孝惠章

皇后 孝康章皇后西位東向東次 聖祖仁皇帝 孝誠仁皇后 孝昭仁皇后 孝懿仁皇后 孝
恭仁皇后東位西向

先一日遣官致告後殿 四祖中殿 太祖 太宗致齋親牲閱祝奠獻樂章俱與時祭同

神樂署司郊廟祠祭之樂和聲署司殿廷朝會燕饗之樂章儀司司宮中慶賀燕饗樂儀衛司饒歌鼓吹
前部大樂皆統于樂部春秋季月大合樂于樂部

祠祭樂律南郊以黃鍾爲宮北郊以林鍾爲宮太廟以太族爲宮社稷春以夾鍾秋以南呂祈雨以夾鍾
報祭以南呂朝日以太族夕月以南呂前代帝王孔子皆春以夾鍾秋以南呂先農以姑洗先蠶以仲呂
天神以黃鍾地祇以林鍾太歲以太族爲宮

凡樂章天地太廟社稷帝王廟文廟先賢太歲均曰平日曰晦月曰光先農曰豐禱祀亦曰豐
隆殿元日奏元平長至遂平元宵怡平 萬壽乾平常朝隆平 還宮元日奏和平元宵昇平 萬壽泰
平常朝顯平

樂典出入及慶典奏導迎樂祀壇廟回鑾奏佑平

巡方岳出入進書進春種睦鈞筐頒詔頒朔迎吻廣榜奏禧平

丹陛大樂率臣行禮則奏之樂章王公口官奏慶平外國使臣奏治平

中和韶樂在殿櫺東西丹陛大樂在太和門左右均北向鼓吹大部在午門外

內朝之禮凡元日長至次日 萬壽節內監設中和韶樂於乾清宮櫺外設丹陛大樂于乾清門內均左
右北向 上御太和殿畢還宮中和韶樂作升座樂止 皇后率貴妃等行禮丹陛大樂作奏離平行大
出三跪三拜禮 皇子行三跪九叩禮丹陛大樂作

國初耕藉禮樂官帶老人四名念禾詞工十四名鑼鼓板樂工六名棚外執叉執扒執箏執箎衣斗蓬樂工二十名五色彩旗樂工五十名駕輿奏天下樂至齊宮奏萬歲樂陞殿官民行禮奏朝天子至後殿大樂作陞殿奏萬歲樂進茶作管絃樂笙簫合奏奏朝天子樂官領樂工二名舞童四名四時和隊舞承應樂奏望升鄉舞樂工六名百戲變碗承應進河奏三月韶光樂官引幼童十三名承應樂奏黃鶯舞舞畢樂官領鼓板三名老人一名探子二名承應唱商調集賢進饌東簾前排清樂作太清歌徹饌莊家老四人舞童八名老人四名隨撥四名白曳黃童鼓腹謳歌承應樂作換莊農舞畢次文士九名感天地承應樂奏啄木耳次武士九名感祖宗承應樂奏黃鶯舞次進齊回回五名頌得勝承應樂奏紅裙襖次香斗老人三名黎民歡樂承應樂奏調笑令次五方夜叉承應樂奏鬼令次五海龍王承應樂奏清江引次三官五方彩旗承應樂奏看花會俱用大樂以次歌舞畢王等各官一跪三叩頭 上出齊宮排駕回宮

按初會恭聖樂軍十四屬會都州陳文貞公爲翰林時所擬今仍奏之

順治十年題准教坊司樂人衣服中和樂用紅補服四十領丹陛樂用紅百花袍三十領十二年定女樂四十八名衣服用綠緞單長袍紅緞月牙夾背心俱用寸金花樣金髮簪青帕首十六年停止女樂改用太監 教坊司所設奉鑾一員左右紹舞二員左右司樂二員又有協同官十員俳優長四名協同俳優辦事之包長十二名凡慶賀中宮女樂奉鑾等官妻五人提調女樂四人歌童二十四人奉樂女工一百一十五人 景泰八年議凡民家女子不許教坊司買作倡優民戶爲樂戶者皆令改正卽樂戶內有願從良者聽其自首與民一體當差

興京城西北十里爲 肇祖原皇帝陵 興祖直皇帝陵共一山稱興京城順治八年封陵山爲啟運山
盛京城東南二十里爲 景祖顯皇帝陵 顯祖宣皇帝陵共一山稱東京陵順治八年封陵山爲積慶

山 順治十五年奉移 東京陵改附於 興京陵改運山稱 興京陵曰永陵

盛京城東北二十里爲 太祖高皇帝陵稱 福陵封山爲天柱山 盛京城西北十里爲 太宗文皇

帝陵稱昭陵封山爲隆業山

直隸遵化州鳳臺山爲 世祖章皇帝陵稱 孝陵封山爲昌瑞山昌瑞山又 聖祖仁皇帝陵稱 景

陵

直隸易州太平峪爲 世宗憲皇帝陵稱 泰陵

宋太祖詔修前代陵墓自太昊以至五代分爲三等其盛舉也而等差未當明代所祀自伏羲至元世祖共三十六帝其考正爲允我 朝畧仿其制遇有慶典咸遣使祭告可謂盛矣

北魏元帝葬於遷西今陵寢已失所在遂祭於西魏文帝高平之陵并訛味甚徐遵政石溪先生丙子祭告還請仿古望祭之禮祭孝女於洛陽而高平之祀其說甚長事下部議不行同時奉使還者金槍門宗伯奏女媧氏古之聖皇乃陵殿塑成女像村莊婦女祈嗣者羣往禮祀其駭見聞神勅令有司更正奉特旨照所請行若發部議鮮不以誤者後數年時中州一友人云女媧像雖定議更正尙遲遲未行蓋彼處香火之盛皆由女像感衆迨近婦女無良賤祈禱酬謝嬉遊樵香禮施無算廟殿觀爲奇貨卽地方官吏亦有裨焉若更易男像香烟寥落矣于冰瑣云當另立帝像而以原像爲帝后配之則縣官香稅當益盛可爲解頤 春秋世諸稱華胥生男子爲伏羲女子爲女媧世言女媧爲伏羲之妹故後世訛爲女像也唐盧仝詩女媧本是伏羲婦蓋本乾鑿度兄妹爲夫妻之說 唐李石云女媧之功上匹九天下契黃城名聲被後世光輝重萬物嘆雷車服應龍驂青虬席蘿網震黃鸞援絕瑞前白駒後奔蠅

邱瓊山云歷代東海南海皆臨海而祭四海北海則望祀在宋都汴梁無山至遼割之域出國門而北望

祭之可也今建都於燕南而祭北海豈天子執中以臨四海之義哉今京師東北環石滄海之地於此立祠而祭于勢爲順于義爲宜若夫中國之正西在秦隴西南則蜀南則滇滇之極西百夷之外有大海宜于此處望祀之今祭北海仍在懷慶祭西海仍在蒲州是瑣山之說終明之世究未曾用也

引治中馬端臨文升奏請祀北岳於山西渾源州蓋謂永樂後都北平而正定在京師之南于祀北岳甚特況渾源尚有故廟基址修無難事下禮部議不行按一統志北岳在山西大同府渾源州南二十里歷代俱祀于此及石晉割以賂契丹至宋不能復乃改祭于正定府之曲陽縣歷明代不改端臨此疏足正謬訛不知當日何以議格

帝王廟配享功臣東廡第一壇二十人風后倉頡增饒伯夷伊尹傳說召公奭畢公高增召穆公虎仲山甫增張良曹參周勃魏相增鄧禹耿弇增諸葛亮房元齡李靖宋璟增東廡第二壇二十人郭子儀許遠李晟增皮厚劉彬李抗增王曾增富弼增文彥博增李綱增韓忠文天祥增粘沒忽木華黎不忽朮增徐達常遇春增楊士奇增于謙增劉大夏增西廡第一壇二十人力牧皋陶龍伯舒仲虺增周公旦太公望呂侯增方叔尹吉甫增蕭何陳平劉章增丙吉增馮異馬援增趙雲增杜如晦狄仁傑增姚崇增西廡第二壇十九人張巡李泌增陸贄增耶律魯魯增呂蒙正增寇準增范仲淹增韓琦增司馬光增趙鼎增岳飛解羅韓里不伯顏脫脫增劉基李文忠增楊榮增李賢增原從祀三十九人康熙六十一年增祀四十人

正殿景德集聖之殿祀三皇五帝夏王十四位商王二十六位周王三十二位漢帝二十一位唐帝十二位宋帝十四位金帝五位遼帝六位元帝十一位明帝十二位原崇祀二十一位康熙六十一年增祀一百四十三位共一百六十四位按割據之主俱不與祀然昭烈承漢正統非羣雄僭亂者比似未可

斬之且諸葛亮趙雲既在從祀之列更不宜有臣而無君矣

雍正九年諭禮部議功臣襲封世職擬與鼎名奉 旨圖海爲忠達公賴塔爲襄績公恩額德禮爲奉義公繁拜爲超武公圖賴爲雄勇公圖爾格爲果毅公費英東爲信勇公多尼庫魯克爲建烈公和朝圖爲勇勤公楊古利爲英誠公 按十臣歷著顯績爲我朝名臣冠冕特賜美號傳之史冊稱盛典云

乾隆辛未 巡幸江浙 諭先賢祠墓在御道三十里以內者均賜祭浙江則唐陸贄吳越王錢鏐宋岳飛明于謙王守仁本朝徐潮江南則泰伯季札子游范仲淹本朝張玉書趙申喬 又卞壺曹彬宗澤韓世忠徐達常遇春方孝孺 本朝丁成龍傅應淵湯斌張伯行陳鵬年皆非江南人或配饗帝王廟或祀賢良祠或忠義著史冊其于江蘇或有功斯民或盡節效土或歸葬此鄉祠墓皆在御道三十里內亦一體遣祭

康熙五十四年 御定星歷考原告成五十六年諭歷內所列男女九宮以上元爲中元傳誤已久着改正凡補注 上用六十七事 祭祀 頒詔 肆赦 祈福 覃恩 施恩惠 恤孤惻 布政事 宣政事 施恩封拜 上冊進表章 慶賜 賞資 宴會 行惠愛 雪冤枉 緩刑獄 招賢 舉正直 上官赴任 臨政親民 冠帶 行李 出師 還將訓兵 遣使 詔命公卿 納采問名 結婚姻 嫁娶 進入口 求嗣 求醫療病 入學 裁製 沐浴 整容剃頭 安撫邊境 整手足甲 解除 般移安床 興造動土 堅柱上梁 修宮室 繕城郭營建宮室 開市 納財 立券 交易 經絡 修置產室 開渠穿井 安碓礮 栽種 牧養 伐木 捕捉 畋獵 納畜 取魚 修飾墳垣 平治道塗 築堤方 補垣

明有勸樂幽有鬼神鬼神者人道之通於天天道之察乎人者也老子曰以道蒞天下者其鬼不神黃帝

之世士無札傷人無天惡物無統風鬼無靈響焉是鬼神自古所有惟聖王之世則不著耳賢知之過往
往作無鬼論或託爲高明以覆鬼神非知道者而下愚鄙野之夫又以小說雜劇之所扮演游說妖巫之
所假說者爲鬼神如文昌星也而謂之梓潼元武銅蛇也而謂其修於武當山關侯塗以朱面張睢陽裝
青面獠牙雷之神繪以烏喙鍾馗斧首而爲唐進士張仙孟昶而爲求嗣之神如此之類不可枚舉小
民愚柔無知耳濡目染信以爲真祈福悔禍無所不至甚而奸人匪賊乘機誘惑朝山進香申盟結會改
易衣裝毀傷肢體男女襍處莠混滑往往延延多人激成禍端釀爲大案有守土之責者不可不思患
預防早鋤根株語曰涓涓不塞將成江河吁可畏也

亭林云乾父坤母山川之神多裝以女像漢書郊祀歌有嫗之神是也而好事者遂指爲某之女某之妻
則誕矣楚詞湘君湘夫人山海經洞庭之山帝二女居之郭璞注曰天帝之二女處江爲神卽列女傳江
汜二女或曰堯之女也蒼梧九疑間有堯女祠焉禹廟在會稽水經注言廟有聖姑神樂緯云禹治水畢
天賜神女聖姑河伯水神夫人姓馮名夷巫山神女宋玉之寓言也水經注以爲天帝之季女名瑤姬維
水宓妃陳思之託興也而如瀟以爲伏羲之女見漢書音義畚山啓母天問之雜說也今少室有阿娘神
爲啓母之妹青溪小姑爲蔣侯三妹見枋剡碑并州始女爲介子推妹見李諱詩汾陰后土祠爲婦人像
武后時移河西梁山神像就中配焉亂其矣碧霞元君宋眞宗封人以爲泰山之女元劉遵魯海島記
曰廟中神妃相傳爲東海廣德王第七女又黃河有奶奶廟天妃祠各路有夫人廟女婦氏亦爲女像噫
此與伍子胥墳杜十姨小姑嫁彭郎何以異哉若閩人祠齊天大聖益可怪矣程子云除却神廟字人
始知爲善矧此無稽者耶邱仲深謂天爲大地次之製字者一大爲天二小爲示故天降皇地降后海次
于地宜稱妃數從三亦一大二小之義是亦有其神無其人與今所傳者異

湯文正公毀五顯祠江南風俗人心爲之一正 聖祖既允睢州之請復通諭中外嚴查各省郡縣城隍社稷神外俱撤毀廟像不准士庶入廟焚香於是深山窮谷之中掃蕩庭宇斬伐草木投尸於燼毀像成器一洗妖氛乾坤常聖人業常經國絕地天通運黎百姓日用飲食無復有土木禍福君妾誕之說誣惑其心志而我 聖祖福壽隆昌爲數千年所未有猶歎謫謫予聞古者政教衰微下民有情弗仰有冤弗白乃愬於神而詛盟之事由此而起鬼神邪昧亦遂憑依而大著其靈異於是責罰之柄默而移之冥漠之中蚩蚩者氓畏王法反不敵其畏鬼謹凡地獄之說感應之篇齋醮之文皆詛盟之餘習也故曰有道之世其鬼不靈鬼者指一切神人仙佛言之梁武帝問達摩朕造寺寫經度僧不可勝計功德若何達摩曰此並無功德不過人天小果有漏之因如影隨形雖有非實鄧志宏曰丹霞禦寒則燒木佛德山說法則撤豎像是彼教中人尙不惑於功德少說不啻頂禮土木何以士大夫讀書談理反有入寺焚香首下而尻高者耶

小說載項羽烏江祠有秀才投一絕句謂之立反風息浪而靈遂不著又夷堅志載樊陽廟食萬州有州守馮時撤其祠見偉丈夫掀髯怒相向馮歷証其生平所爲丈夫奄奄而滅羽暗其尙有恥心哉若五顯五通則冥頑不可以文字語言化惟碎首焚身投之洪流而已閩俗信鬼家奉五帝又名五顯康熙三十七年有一賤隸稱五帝附身大言欲遊江南需船二百隻供應一時愚民煽惑計口飲錢而尤刻於孕婦派銀倍之其船雖以紙爲之而采緙鮮新軌備証設几案簾帷種種備具每船約費銀三百兩送神迎神舉國狂驚時總督郭公世隆聞之緝造言賤隸鞠之盡得其妄即真之法遂行各屬令亟毀其祠或曰江撫湯公毀淫祠先經入告今不當循例耶世隆曰祠非奉敕所建拆毀以正淫俗乃職分當行何必張大其事鼎奏爲况現奉文除淫祠耶卽檄各郡縣拆祠毀像永行禁絕時距省八百里有山崇奉五顯人遂

稱爲五顯廟廟貌之類甲於閩中是日嘉符未到野火自起與會城諸祠同日灰燼人尤異之郭公此舉可爲快意其謂職分當行班席張皇入告尤得政體今人但知湯文正公毀祠事耳

祝陸方輿勝覽云五通廟在徽州婺源縣乃兄弟五人本姓蕭每四月八日入爭祭之

史記年表秦始皇以君主妻河君主秦君之女猶後世公主也妻河者沉之河如何伯發婦故事蓋戎事也呂東萊作大事記改主爲生又改生爲甥無一而可村氓老婦信鄉隣巫覡之言奉佛持齋月有定日其說大都皆入於坊刻之玉匣記通書近日邪教案起獲妖書盡抄本玉匣記及神由科符呪兩書

予見名卿大夫按日素食云奉某齋公言於衆又愚民匹婦有成食禽魚不畜牛犬及家不殺生而持殺於他人之門外歸而熟以果腹者或因戒一牛羊而日殺雞魚無算豈非貪殘之尤乎梁晉公云豬雞魚蒜蔬著便吃昌黎云豚魚雞三者古以養老反曰是皆殺人不可食一筵之饌禁忌十常不食二三不信常道而務鬼怪臨死乃悔柳州云某氏愛鼠不畜猫犬後人撤瓦灌穴殺鼠如卽是唐人已有此惡風矣余常見某學士不食某某等肉其友規之曰是死人之命又一郎中不食四足之物亦以父命爲辭噫不能幹父之遺而彰前人之過或云三代或云十代相傳不易是所謂賊子人人得而誅之者古者宗廟特牛以饗神七十二膳八十常珍以養父母天子不合圍諸侯不掩羣大夫不取驪卵士不隱寒庶人不數嘗諸侯無故不殺牛大夫無故不殺羊士無故不殺犬豕庶人無故不食珍斯天下無妄矣查夏重不食羊肉後奉 旨食云今始知其美門有相遇恨晚之意

周禮王日一舉王齋日三舉凡殺牲盛饌謂之舉周制王日食一太牢過朝加食一等散齋致齋必變食故加至三太牢是齋日食肉反有加矣論語齋必變食以下至不多食邢疏云此上皆兼齋文孔子惟酒無量則酒亦不禁矣不飲酒不茹葷出莊子文本不足據今齋戒皆在公署乃本聖人遷坐之義勝於唐

人之宿寺廟也五葦皆神戒之宜也不必因葦戒始忌食初嚴經云五葦熟食發淫生痰增悲故
傳氏戒之按釋氏以大蒜小蒜與葱蒜慈葱慈葱為五葦與葱即葱道家以非葷蒜葵菜為葷

即為五葷

國廟之見於正史者惟明史有之其立廟之始不可考俗傳崇禎君封號出自宋徽宗亦無據按元史
祭祀志每歲二月十五日于大殷殿建日傘蓋傳事與眾祇祓不詳據身監壇禮畢某神輅夫曰據身神
輅則必迎像有塑像則必有廟宇矣然則廟始于元之先可知也又曰下舊聞謂慈源寺東數百武有廟
王廟相傳即崇禎萬壽宮殿中塑像甚古疑是元時舊塑又謂國廟在皇城北安門東者曰白馬關帝
廟附基也越彬盜馬廟在三里河入城外附基也是唐之前已何廟

明萬歷四十二年甲寅十月十日加封為三界伏魔大帝神威遠鎮天尊關聖帝君四十五年丁亥五月
福海常泊序刻洛陽關帝廟錢譜曰前歲予元命分封河南陽公以單刀伏魔于皇父宮中托之夢寐問
果驗是以大隆徽號由是勅問天下而尊顯之云云予見各省關廟題旌皆同此號殆始于明神宗時
唐范梈雲溪友議謂荆州玉泉祠天下四絕之地或言此關聖助土木之功祀三郎神三郎神者關三郎
也

關帝廟通海寓一村一社處處有之聽家垣溪陳祠宇亦多順治九年勅封忠義神武關聖大帝康熙五
十八年賜給河南洛陽縣五經博士一人雍正三年封三代公傅雍正四年增設山西解州五經博士一
人十年增設湖廣當陽縣五經博士一人乾隆二十五年山東臬使沈樞園請易諡神勇三十四年勅封
靈佑忠義神武關聖大帝安溪先生云昔因當日死時有一段鬱結之處人人為之鬱結以人之鬱合神
之鬱自然兩相感召必祭賽以升之鑼鼓以宣之如是而人心乃暢久之遂致香火之盛皆人心為之也
關公得遇諸葛青螺掛經與通題曰漢前將軍壯穆侯是也田山義又駁之謂其時主皆臣暗黃皓專

政故子思諡於當時道諡張魏德植侯馬孟起威侯黃漢升剛侯趙子龍順平侯皆美諡何獨斬於國耶故予有取于郭說

風俗通載我陽城陽景王祠迴瀛瑤郡六郡及渤海之郡亭案落雖禁絕庭復如故蓋當時之祀虛侯亦如今之廟廟後重伍子胥程嬰杵臼及項羽皆祭賽滬海內古今來取義成仁之士其身雖死其氣常存或更有所麗而不泯長宏之氣在血先軫之氣在元子胥之氣在潯陽公之氣在指爪鄂王之氣在宰樹張闢州以禱雨于小廟以祈夢是皆其鬱氣初有所歸久之而人之氣亦有所依故其靈常著

張冰稟李廉常語予云鬼神亦有氣運冥報亦有時代因言明天啓間宮中豎關帝像二尊一大一小當時有目者術甚神意召入宮中歷試大臣妃嬪內官皆奇中無以難之因指木像令其推算日者稱小者福壽綿遠香火百倍大者無宗遂以小像置於正陽門左側小廟中而供大像於宮中增其祭品以窮日者之言未幾國賊進宮而大像毀小者迄今香火尚盛日者之術亦異矣明滿州楊太宰傳元日入拜先以名刺通之曰鄉晚生

明給事中張九功諱正祀典禮部倪岳條疏以上一釋迦牟尼文佛與三清三境天尊按天竺乃釋迦所生之地漢明帝時法入中國其曰三世佛以本性為法身德業為報身聖真身而三寶一身也一道家以老子為師三清者做釋氏九體來子云玉清元始非老子法身上清太上靈敝釋氏失而又失者況莊子明言老聃死則時亦人鬼豈可僭居昊天上帝之上哉皆不合祀一北極中天星主紫微大帝按象緯為萬星所宗正統初年建紫微殿設帝像按古大明祭日夜明祭月幽宗登星之文南郊大祀已合祭今像無據宜罷一九天應元雷神普化天尊按傳記陰凝陽氣奮擊為雷霆非如龍車石斧鬼鼓大輿之說道家以六月二十四日為示現之日遺官致祭按南郊已合祭取像設名皆不解宜罷一梓潼

宋封濟順王又封英顯王景泰勅賜文昌宮二月三日誕辰道家謂梓潼忠孝顯靈於蜀至文昌星與梓
潼無涉合爲一附會乖謬宜毀文昌化書趙王如靈是其第六十五化身其母爲聖中張老之妻老一

祖師三天扶教輔元大法師眞君按張道陵漢光武時以符治病唐宋皆封大法師宋封正一清應眞君

邵伯溫云張魯祖陵造作符書授其道者出米五斗謂之米賊其衆曰鬼卒曰祭酒與黃巾等本非異人
而道家祖陵爲天師正月十五爲生辰京師祭祀宜罷 一大小青龍之神按程明道爲上元主薄茅山

池有小青龍如蜥蜴頗著靈異明道捕而脯之使人不惑今大小青龍皆蛇耳宜罷 一東岳泰山之神

三月二十八日爲壽節按泰山在魯已有常祭而郊亦合祭壽節誕其合罷 一北極佑聖眞君眞武即

元武也即龜蛇也本北方元武七宿虛危之形似之耳靖康加號眞君又因記言靖樂王太子遇紫虛元

君授道遇天師授寶劍入武當山白日昇天上帝命鎮北方破頭旣足此道家荒誕國朝以有陰佑爲之

立廟永宜裁革 一崇應眞君薛聖劉人宋徽宗時從張繼先王侍宸林靈素學道而王樞火符天將王

崇官又從薛聖授符永樂中道士周思以靈官法顯於京師附體降神禱之有應乃建天將廟祖師殿宣

德中改大德殿封薛聖爲崇恩眞君隆恩眞君此皆一時傳會祭以甚罷 一金闕上帝玉闕上帝

按閩縣有靈濟宮祀二徐眞人五代時徐遇子知證封江王知證封純王及國像以祀之宋太宗疾禱之

應大新廟宇成化時加號知證曰九天金闕總督魁神洪恩靈濟慈惠高明上帝知證曰九天主闕總督

聖神洪恩靈濟仁惠弘靖上帝其父封眞君母姜曰元后按徐溫誤國專權殺主毫無功德祀以報功豈

宜蓋及況僭號上帝皆宜罷斥 一城隍之神按易坎卦王公設險以守其國今以五月十一日誕辰城

隍本非人鬼安有誕辰南郊祀壇已有合祭之文煩瀆之禮宜罷 禮部議款甚繁節錄數則亦足醒蚩

蚩者氓矣 明祖刊立嶽瀆鎮海各廟碑文甚得體

城隍之祀莫詳所始先儒謂既有社矣不應復有城隍故李陽水縉雲城隍記謂祀典無之惟吳越有之然成郡城隍祠太和中李德裕所建張九齡祭洪州城隍文杜牧祭黃州城隍文李商隱集中尤多則不獨吳越然也又蘇湖城隍建於吳赤烏二年高齊慕容儼梁武陵王祀城隍神皆載於史又不獨唐而已洪武初年始封天下城隍廟神在帝都者封爲帝在藩邸者封爲王府州縣者封爲公侯伯當今太平一統而各省城隍爲王公侯伯者如故將安用是紛紛者耶

江海保障之神皆有專祠如封號錢塘英衛公伍員四川灌縣通佑王李永淳梁縣安瀾之神張巡臨安縣應武廟王錢鏐宿遷縣顧佑通濟王謝精蕭山縣靜安公張夏紹興府甯江伯湯紹恩汝上縣甯漕公宋禮永濟之神白英皆春秋有司致祭儀與祭廟廟同雍正三年定

雍正二年勅封四海龍神東海顯仁龍王之神南海昭明龍王之神西海正恒龍王之神北海崇禮龍王之神順治三年封黃河龍神爲顯佑通濟金龍四大王之神運河龍神爲延休顯應分水龍王之神康熙三十三年加封昭靈效順四字康熙十八年洞庭湖神封爲洞庭湖之神雍正二年封爲涵元灑利洞窟湖之神康熙十九年瀋陽海神勇潮濟師封爲護國庇民妙靈昭應宏仁普濟天妃大沽海口雍正二年封爲廣惠大沽海口之神永定河康熙三十七年封爲永定河之神康熙三十九年拆去撫黃壇海神効靈賜名大通口封大通口之神雍正三年封臨濟州河爲福濟河之神封館陶縣河爲豐濟漳河之神是皆爲有功惠於民也

八蜡廟卽將軍祠由來久矣直省郡邑皆有劉猛將軍祠設輔齊魯之間祀之尤謹究不知爲何神據輿輔通志引靈異錄云將軍姓劉名承忠元末指揮臨城保橋列郡祀之方問亭制軍大吏中統博雅者修壇廟祀典一書於此亦承訛無所考予按怡庵雜錄載宋景定四年三月八日封揚威侯並敕制勅則神

乃南渡名將劉錡也生則敵愾効忠歿而捍災禦患其世祀也固宜其勅曰國以民爲本民實比於干城民以食爲天食尤重於金玉是以後稷教之稼穡周人墮之井田民命之所由生也自我皇祖神宗列聖相承迨茲奕葉朕嗣鴻基夙夜惕若邇年以來飛蝗犯境所食無不宵旰懷憂無以爲也黎元咨怨末如之何民不能祛吏不能捕爾神力掃蕩無餘上感其恩下懷其惠爾故提舉江州太平興國宮淮南江東浙西制置使劉錡今特勅封爲揚威侯天曹猛將之神爾其旬服血食一方故勅是掃蕩飛蝗乃錡之功祀之宜也今以劉示忠代之通奏予謂三代盛時馬羆猶虎之類皆有所報而除治蟲獸龜蛇皆列享官蠶不以物賤而不之教先王治幽明一也其義甚深初不必指實某某姓氏而肖像以祭也

